



CAft ta recomenda pa cobra impuesto riba tips

Pagina 2

- ***Heberto Gamero
tocante Acqua
Condominium: "Nan
ta burla di nos"**
Pagina 3
- **Minister Glenbert
Croes y Utilities
biahando pa Hulanda**
Pagina 4
- **DIP ta "evaluando
peticionnan teniendo
cuenta cu e futuro
desaroyo di Aruba"**

Pagina 6



Ambiente, color y
fantasia a resalta den
Parada di Mucha San
Nicolas

Pagina 12

Caribe Hulandes ta mira
Prinses Amalia como
simbolo di integridad y
stabilidad



Pagina 8

Brazil: Barconan Irani
ta rondia sur America y
Lula ta warda nan



Pagina 10

Do it Center.

**A CERA ACUERDO
CU GRUPO EXITO
DI COLOMBIA**





CAft ta recomenda pa cobra impuesto riba tips

Durante e conferencia di prensa di e Colegio di supervision financiero di Aruba (CAft) e presidente nobo di e organismo, Lidewijde Ongerling, a splica cu nan ta conseha Gobierno di Aruba pa traspasa maneho di algun entidadnan gubernamental pa partnernan priva y tambe a indica cu nan a conseha pa cuminsa cobra impuesto riba tips.

Ongerling a indica, den su respuesta na un pregunta di miembro di prensa, cu e entidadnan gubernamental ta echt un carga pisa pa e presupuesto di Aruba y nan kier wak con por yega na un bon solucion pa e situacion aki.

El a splica cu pa algun parti esey ta algo bastante complica y a menciona como ehempel e situacion di Serlimar, cu ainda nan no a caba di resolve esey.

“Si nos mira e situacion di Arubus nos ta pensa cu esey lo por wordo mancha hopi bon door di partnernan priva,” el a bisa refiriendo na Arutram y Aruparking cu ta cay bao di Arubus.

Ongerling a splica cu e dos companianan aki ta dos

compania cu gobierno no mester ta involvi den dje y ta haci un peso grandi ariba e presupuesto di pais Aruba y ta conseha gobierno pa laga esaki bay den man di partnernan priva.

“Mi no kier bisa cu e ta algo facil cu por realisa di awe pa mañan, pero nos ta conseha pa nan mira seriamente e posibilidad deshaci di e carga ey y esey lo trece un alivio financiero.”

Contestando otro pregunta di miembro di prensa, e organismo a splica cu nan ta recomenda Gobierno di Aruba pa cuminsa cobra impuesto riba tips.

E tema di impuesto riba tips ta uno cu a wordo debati hopi pa diferente organizacionnan como tambe ariba rednan social na unda e trahadonan ta completamente contra esaki, ya cu e tipsnan ta yuda nan entrada di tur luna. Di otro banda gremio comercial ta pro cobra impuesto riba tips pa asina e balansa por ta mas husto.

Den pasado gobierno a indica cu no lo bay cobra impuesto riba tips, pero CAft ta considera cu e ta un entrada importante door di cual nan ta conseha pa cuminsa haci esaki.



Minister Maduro ta informa riba e di dos encuentro cu 'stakeholders' riba e topico di Sclavitud na Aruba

Dos fondo Hulandes disponible pa proyectonan di conscientisacion riba esclavitud



Recientemente a tuma luga na Archivo Nacional Aruba e di dos encuentro cu gruponan di interes (stakeholders) riba Sclavitud na Aruba. Un topico cu Minister di Cultura, Xiomara Maduro a cuminsa elabora riba dje mirando e movecionnan cu tin den Reino Hulandes riba e topico di 160 aña di Abolicion di Sclavitud den Reino Hulandes dia 1 di juli 2023, y e necesidad pa por tin mas conocimiento den comunidad di Aruba su historia di esclavitud.

Hunto cu diferente 'stakeholders,' Minister Maduro a cuminsa traha riba un agenda di conscientisacion riba e topico di Sclavitud na Aruba pa asina ora e momento di dispensa yega, nos por ta consciente di esaki, segun un comunicado di gobierno.

Sinembargo, segun e comunicado, na december 2022 na un manera casi inespera, Minister President Mark Rutte a brinda dispensa pa e historia di Sclavitud den Reino Hulandes. Esaki a trece cune un urgencia mas grandi pa involucra tur instancia y persona di interes dentro di nos comunidad cu lo por contribui na engrandecere e conocimiento di comunidad riba e topico di Sclavitud na Aruba.

Durante e segundo encuentro cu 'stakeholders,' Minister Maduro a informa cu den e dispensa brinda pa Sr. Rutte a referi na "een komma en geen punt," indicando cu e dispensa brinda no ta e final, sino e comienso pa papia riba e topico di Abolicion di Sclavitud den Reino Hulandes.

Hunto cu e dispensa aki ta papia di reparacion pa cual Hulanda ta pone 200 milyon euro disponibel pa un periodo di 10 aña pa aloca na proyectonan cu tin di e haci cu e topico. Kico exactamente lo ta e proyectonan y cuanto cada Pais den Reino lo haya como reparacion, ainda no ta conoci. Ta importante pa cada Pais delinea kico nan ta haya importante como proyecto y pa cu esaki ta importante pa haya scucha di varios instancia y persona den comunidad kico ta nan sugerencia.

Pa Aruba te cu awor, Hulanda a duna su compromiso pa algun proyecto keda realisa. Ta trata di e construccion di e estatua dedica na e catibo Virginia Dementricia na e rotonde di Paperclip, e imprenta di e buki 'Slaven Zonder Plantage' como material educativo pa scolnan, y e digitalisacion di e archivonan colonial na Archivo Nacional Aruba. Na mes momento Hulanda a anuncia cu tin dos fondo Hulandes Mondriaanfonds y Fonds voor Cultuurparticipatie, cu tin fondo disponibel pa instancia of persona por realisa proyectonan cu tin di haci cu conscientisacion riba e topico di esclavitud. Pa mas informacion por recurri na e respectivo website di e fondonan aki.

Durante e encuentro a brinda un bista di actividadnan cu ya caba ta wordo prepara pa conscientisa comunidad riba e historia di esclavitud na Aruba. Archivo Nacional Aruba lo presenta e exposicion 'Ken nos ta' riba Dia di Himno y Bandera cu ta toca un parti chikito di esclavitud na Aruba. UNOCA den colaboracion cu Archivo Nacional Aruba y Biblioteca Nacional Aruba lo sigui expande e informacion di e tema esclavitud riba e plataforma digital Coleccion.aw. UNOCA tambe ta preparando un 'open call' pa yuda artistanan cu obranan di arte tocante esclavitud. Ministerio di Cultura di su banda lo percura pa compila e agenda di actividad y haci esaki conoci, brindando 'exposure' mediatico na e actividad pa asina comunidad por ta na altura di e eventonan di conscientisacion. Tur presente a haya oportunidad pa manda nan idea y sugerencia pa asina por compila e agenda necesario pa conscientisacion, cual tabata e meta di e di dos encuentro.

Den su comunicado di prensa, minister Maduro ta gradici tur cu a acepta e invitacion pa hunto pensa riba con ta e miho manera pa conscientisa nos comunidad riba e topico di Sclavitud na Aruba. E mandatario ta gradici tur instancia y persona pa nan aporte valioso, specialmente Sr. Luc Alofs y Sra. Yolanda Richardson pa nan experticio y guia positivo den e encuentronan cu e gruponan di interes. Si tin instancia of persona cu ta desea di contribui cu idea por manda un mail na comisioncsa@gmail.com.

Heberto Gamero tocante Acqua Condominium:

“Nos a firma e adendum y contract di compra-benta, nos ta sinti cu nan ta burla di nos”

Heberto Gamero Contin ta otro di e inversionistanan afecta di Acqua Condominium cu awor a bira Radisson Blu y tambe a tuma contacto cu Bon Dia Aruba pa trece dilanti su mal contenido, preocupacion y punto di bista tocante e desaroyo di e proyecto aki na unda cu su persona ta un di e poco cu a firma e “adendum.”

Gamero ta un empresario, escritor y creador di cuento exitoso Venezolano cu a gana varios premio na Venezuela door di su habilidad pa skirbi. Na 2009 ora e tabatin 56 aña su persona hunto cu su casa a dicidi di inverti tur loke nan a spaar den hopi aña di trabao y pa locual nan tabatin hopi ilusion di biba un temporada di vakantie na e One Happy Island.

Nan tabata kier huur dos di nan apartamento y un so tabata pa nan disfruta di dje, na 2013, supuestamente ora mester a construi nan tur y mester a keda cla.

Pa problemanan di “mercado”, manera Gamero a sigura den su declaracion, na 2015 un desaroyador nobo, Sr. Venancio Gonzalez a cumpra e proyecto na unda ya caba tabatin 52 apartamento bendi di un total di 208. Un aña despues nan a cuminsa realisa reformanan pa e luga por bira un hotel.

Na september di 2019 e desaroyador a firma un contract cu e cadena di hotel Radisson Blu pa opera e edificio sin notifica ni pidi autorisacion na e propietario di e apartamentonan cu tabata bendi caba. Minister Dangui Oduber como minister di Turismo tabata presente den e celebracion aki.

Na december 2020 nan a informa e inversionistanan – como Gamero, Bianchi, Matteo y Potenza, kendenan Bon Dia Aruba a entrevista caba den edicionnan anterior – mediante un carta firma pa e abogado na e momento ey y ken awor ta minister di Economia, Comunicacion y Desaroyo Sostenibel, mr. Geofrey Weber.

Den e carta aki tabata bisa

cu nan lo a disolve e hunta di condominio inicial, e division di parcelanan, cu nan mester a cancela e renobacionnan realisa y si nan no tabata di acuerdo cu e solicitud aki, nan tabatin e opcion di pidi nan placa back, kiermen loke nan a paga na 2009.

Na april di aña 2021, hotel Radisson Blu a habri su portanan. Gamero y su casa consciente di e permisionan di habitabilidad cu a wordo concedi, a dicidi di bin Aruba cu e intencion di firma e documentonan di propiedad. Pero esey no tabata posibel, segun Gamero a afirma; e desaroyador a nenga di firma esaki debi cu nan no tabata

acepta pa firma loke e desaroyador tabata solicita.

Gamero y su casa a keda tres luna na Aruba na unda cu nan a dicidi di bay sin e documento di propiedad. Na october di 2021 nan a haya e famoso y definitivo “adendum”, un documento igual cu esun cu nan a haya na 2020 pero mas formal. Gamero y su casa, cansa di warda asina tanto tempo pa firma y haya nan apartamentonan, a dicidi di firma e adendum aki aceptando e condicionnan cu e hotel tabata impone, como por ehemplo: huur e apartamentonan na e desaroyador so na unda nan mester a pone tur mueblenan igual cu e ho-

tel, sin fiha e porcentahe di huur cu Gamero mester haya cu esaki.

“Nos tambe a acepta e transferencia na e desaroyador di e parcelanan di e pool, casa club y parcelanan lateral na unda lo a construi dos edificio similar na esun cu a bende nan. Tur esaki na cambio di derechonan di uso permanente y negociabel. Di e forma aki nos por a bende of huur e unidadnan sin problema algun, den esey nos tabata confia,” Gamero a sigura.

Na februari di 2022 nan a haya e porcentahenan y condicionnan definitivo di Radisson Blu cu tabata 57%



pa e hotel y 43% pa e propietario. Gastonan di condominio cu tambe e propietario tin cu paga, mueblenan cu ta supera un cifra di 40.000 dollar y varios reparacionnan cu a wordo haci.

“Nos ta sinti cu nan ta burla di nos. Nos a firma e adendum di manera obliga y contract di compra-benta. Nos tabata den man di operador di e hotel na unda un hala di e-mail a wordo manda sin cu nos por haya contesta,” el a bisa.

Despues di un aña di esaki te ainda dos apartamento no a wordo bendi, ni un di e apartamentonan a wordo bendi y tampoco ta un opcion pa huur nan, manera Gamero ta splica.

“Nos no tin duda cu e condicionnan na fabor di e hotel ta e culminacion di un gañamento cu a wordo planifica pa añanan, a pesar di tur cos nos ta confia cu e na e One Happy Island ta bay haci husticia cu nos cu ta esnan cu a haci impulso e proyecto di Acqua Condominium Aruba, esaki no ta bay ta facil pero nos ta bay sigui den e lucha” el a finalisa.

Manera a informa par di dia pasa den otro edicionnan di Bon Dia Aruba, tin aproximadamente 30 inversionista cu a cumpra diferente apartamento den e proyecto aki for di 2008 y 2009. Te e fecha aki nan no por a logra haya nan propiedad pa diferente motibonan, cu ni e hotel ni autoridadnan concerni incluyendo minister di Turismo Dangui Oduber, ainda no ta bin dilanti pa splica kico ta bay sucede cu e cantidad grandi di placa cu e personanan aki a inverti den e proyecto.

Potret di minister Dangui Oduber hunto cu Venancio Gonzalez pertenece na e website 24ora.com



Bucuti & Tara Beach Resort a presenta un plan pa eleva Low Rise Area

Dialuna atardi Minister di Turismo y Salud Publico sr. Dangui Oduber a reuni cu Gerente di Bucuti & Tara Beach Resort y tambe Director di DOW Sr. Marlon Croes. Den e reunion aki Sr. Biemans di Bucuti & Tara Beach Resort a duna un presentacion riba e plan cu nan tin pa eleva henter e area di Low Rise cu ta conta cu 6 hotel den e area aki.

Segun un comunicado di gobierno, e proposicion di Bucuti & Tara Beach Resort ta pa den e fase 2 di e proyecto di embeyecimento Eagle



Beach eleva henter e area infrastructural di e Low Rise area. Actualmente e area aki no ta acapara tur e autonan cu

ta parkeer. E situacion actual ta trece peliger pa e peatonan (turista) cu ta trafica den e area aki. Den e plan pro-

poni pa Bucuti & Tara Beach Resort nan kier construi un parkinglot nobo, crea un pad pa peaton y ciclista cu ta conecta riba esun di proyecto di Eagle Beach fase 1.

E plan cu a keda presenta sigur ta un bon plan cu lo eleva e producto Aruba. E ta bay crea mas siguridad den e caya aki pa nos bishitantenan. E plan aki ta un partnership entre Gobierno, Bucuti & Tara Beach Resort y e otro resortnan di Time Share cu tambe ta riba e strip aki pa participa hunto den upgrading di henter e area aki.



Energia hidrogeno lo bay proteha Aruba su medio ambiente

Minister Glenbert Croes conhuntamente cu companianan di Utilidad lo ta na Hulanda pa yega na un partnership

E siman aki Minister di Labor, Energia y Integracion Sr. Glenbert Croes ta na Hulanda pa encamina e proceso di Aruba Hydrogen Valley. Hunto cu companianan di estado WEB, ELMAR, Utilities, RDA, Minister di Energia kier yega na e consorcio di partnership entre Hulanda y Aruba pa realisacion di Aruba Hydrogen Valley.

E intencion ta pa, desaroya e inversion den produccion di energia hidrogeno pa proteha Aruba su medio ambiente, e biba di comunidad y mundo pa awo y futuro generacion. Aruba Hydrogen Valley ta bay crea pilarnan economico

diferente na turismo, transformando e zona di refineria, manteniendo e como un zona di energia. Un energia limpi pa asina por crea proyectonan cu tin un impacto economico positivo pa Aruba, cu lo por crea cuponan di trabou cu bon pago pa nos hendenan, diversificando economia di Aruba.

Minister Glenbert Croes ta considera su mes como Minister di Labor, Minister di Energia y Minister di Integracion parti di e team di Gabinete Wever Croes II yama pa hunto cu e companianan di gobierno, realisa e vision di Aruba Hydrogen Valley pa awo y futuro generacion.



Aruba su asociacion di turismo ta introduci AHATA Impact Award



Presidente y CEO di AHATA, Tisa LaSorte, orguyosamente a anuncia na su miembronan cu na 2023 ta introduci e AHATA Impact Award. Meta di e programa di premiacion ta pa reconoce esfuerso di companianan responsabel, miembro di AHATA, cu ta invertiendo den y mehorando nos comunidad.

Lo tin premio separa den cuater pilar clave di sostenibilidad:
Caridad (donacion financiero of trabao boluntario);
Promocion cultural;
Proteccion di nos medio ambiente;
Contribucion na calidad di bida di empleado.

AHATA a colabora cu cinco representante di organisacionnan respeta na Aruba pa desaroya e rekesitionan pa e premionan y criterio pa evaluacion. E mesun cinco persona lo funciona como e team di hurado pa evalua e

aplicacionnan y skohe cuater ganador.

E panelistanan di hurado ta:

Daniel Tecklenborg, Director di CEDE Aruba;
Franciele Laclé; Consultor di Desaroyo Sostenibel;
Ray-Ann Hernandez, Directora di UNOCA;
Jan Noordzij, Gerente di "Advance Human Resources Services";
Rosabelle Illes, PHD, Psicologo y Profesora asistente na Universidad di Aruba;

Durante un evento special na Juni, lo anuncia e cuater ganadornan di AHATA Impact Award 2023.

Cu e programa di premiacion nobo, AHATA ta apoya empresanan sostenibel y ta spera di inspira mas compania pa inverti den e pilarnan di sostenibilidad cu ta segura un bon futuro pa nos isla.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Upload Media Aruba

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Famoso 'level playing field'... *Riba mesa atrobe...*

Recientemente e gremio cu ta agrupa gran parti di empresa activo den turismo, a bin cu un critica riba maneho di e gran cantidad di empresa chikito cu ta activo den ofrece acomodacion turistico, pero cu pa un bon parti no ta contribui cu impuesto, mientras cu esunnan organiza y conoci cerca autoridadnan, si mester cumpli. Esaki naturalmente ta crea un competencia desleal, un 'playing field' cu no ta 'level'... Esey riba su mes ta un constatacion corecto, pero si a declara esaki cu speranza cu gobierno ta bay haci algo al respecto, nos ta kere cu nan ta perdiendo nan tempo. E motibo pa pensa asina ta cu nos no ta mira riba e tereno di inspeccion, den tur ramo, no sector turistico so, un mehoracion ta tumando lugar. Y esey tambe tin su motibo, y esey no ta pasobra no tin ningun plan den preparacion pa reforma y mehora. Si acaso gobierno di Aruba no ta tuma cos na serio, tin un presion Hulandes presente cu ta obliga pa sigui cu e reformanan acorda. Y esey a pesar cu tabatin grito y baile di alegria pasobra e ley di Reino di COHO a pasa pa basurero. E plannan acorda no a cambia y ta sigui nan curso, pasobra avance den eseynan ta condicion pa e acuerdo cu mester bin encuanto e areglo di pago di e placa fia na Hulanda, plus e asunto di e debe grandi local y internacional, e parti mas grandi di nos debe publico cu ta keto bay riba 90% di GDP. Ademá Hulanda ta keda insisti cu ta bin un ley di Reino pa e supervision financiero, loke ta den planificacion pa e aña aki. Fin di 2023 e actual protocol bao di cual ta haci e supervision financiero ta yega su fin y e intencion ta cu pa e fecha ey e ley di Reino ta un hecho.

Sin embargo, e presencia di intencion y plan pa mehora no automaticamente ta crea un realidad nobo. Ta bay tuma hopi tempo pa e reformanan yega na efectua un mehoracion grandi den control riba implementacion y cumplimiento cu ley. Ta trata di un tereno asina amplio cu e ta bay tuma varios aña, hasta si ta trata di un gobierno dispuesto y capaz pa realiza e cambionan necesario. Y esey ta unda nos no tin mucho confianza den e asunto, y por splica pakico no. Pa varios decada caba, inspeccion den tur ramo tabata e yiu huerfano di e diferente departamentonan. Un parti grandi di e capacidad di e departamentonan tabata y ta dedica ainda na e tareanan netamente di oficina, mientras cu e personal cu tabata 'subi caya' pa di berdad bay controla, tabata un parti minimo di e forza laboral total. Ademá,

no ta trata solamente di cantidad, pero tambe di (falta di) calidad. No tabata dedica nunca tanto esfuerzo na training y equipamento di e personal, y e dirigencia den hopi caso tabata permiti cu e personal ta cay den un tipo di rutina, unda cada biaha ta haci e mesun bishitanan cerca esnan cu nan conoce. Den hopi caso, y e sector di acomodacion turistico tambe ta un di nan, no tin ningun instruccion ni estimulo pa bay tras di esunnan cu no ta conoci ainda. Cambio den esey no lo bin di paden di e departamentonan ey, y na nivel politico desde 1986 en todo caso no tin ningun afan pa trece e cambio ey, pasobra esey lo implica sacudi e red di influencia partidario cu ta bay en contra di establece un estructura di dirigencia basa riba profesionalismo y berdadero integridad.

Pero, un lector cu ta pone atencion lo bisa awor: "Pero boso no a bisa anteriormente cu tin presion Hulandes pa e cosnan aki cambia, y ademá, nos gobierno ta bisa cu e deseo di reforma no a bin di Hulanda, tabata nan deseo caba..." Si, ta berdad cu tin e presion Hulandes, cu ademá segun e splicacion di gobierno actual ta algo cu nan mes ta desea y promove. Pero, Hulanda no ta proyecta bin 'micro-manage' Aruba, y esey ta significa cu e trabao duro, ta nos mes mester hacie. Hulanda no ta bin analiza tur departamento, y elimina tur empleado floho, corrupto, o ambos. Claro cu Hulanda a para na cuna di e cambionan den LMA cu ta permiti awor un sistema nobo y logico den henter e aparato. Pero nan no ta bay para wak riba schouder di ningun hefe con exactamente nan lo implementa e sistema nobo. Y kico esey ta significa? Cu e mala maña y mal costumernan, e faboritismo politico y individual no ta bay desaparece pasobra tin regla nobo. E estructura di dirigencia, nombra politicamente y te awe ainda fielmente obedeciendo e instruccionnan cu ta sali di e despachonan ministerial, no ta bay cambia 'por arte de magia'. Y no lo tin presion di Hulanda na e nivel aki, pasobra nan ta duna suficiente claridad te unda nan interesnan ta. Hulanda ta keda fiel na nan consigna cu e regla di maneho ta "pa tene e situacion den e region di Caribe manehable." Mescos cu nan no ta mete den tur detaye di (mal) maneho di cualkier gemeente na Limburg, e trabao di berdadero reforma lo mester bin di e mesun estructura di poder politico cu a ocasiona e desastre administrativo cu nos ta biba awe. 'Level playing field'...? Ta keda e mesun soño 'color de rosa' di semper.

DIP su reaccion na e inversionista Sra. Godet

DIP ta evaluando peticionnan teniendo cuenta cu e futuro desaroyo di Aruba

Recientemente den medionan di comunicacion a sali publicacion di un inversionista, sra. Godet expresando su preocupacionnan cu con inversionistanan ta wordo trata na Aruba. Sra. Godet a referi na entre otro e maneho hiba pa DIP y entre otro e consecuencianan negativo cu esaki tin riba e desaroyo di Aruba. Director di DIP Haime Croes a reacciona riba e publicacion aki

Tareanan di DIP

Un di e tareanan importante di DIP ta pa mantene e ordenacion teritorial di pais Aruba. Gran parti di esaki ta encera eficiencia na momento di otorga tereno. Pesey gobierno a scoge un ordenacion teritorial unda cu entre otro desaroyo economico, social, medio ambiente y demas ta wordo sirbi. Y esaki gobierno a pone den un cuadro legal yama: Ruimtelijk Ontwikkelingsplan met voorschriften (ROPV) – un plan di desaroyo teritorial cu normanan. E ROPV ta fungi como un cuadro di control, evaluacion y escohencia aplicabel pa diferente peticion.

Decision DIP ta depende di procesonan externo tambe

Na momento di evalua peticionnan, ta verifica diferente punto di maneho, y e cuadro legal di DIP. Banda di esaki, DIP ta coresponde cu diferente otro partidonan externo pa asina ricibi nan conseho den cuadro di e desaroyo su posibilidadnan. Cu esaki ta enfatisa si cu DIP ta depende di mas factor (externo) y esaki por tuma su tempo. Pa loke ta e proyecto en cuestion, cu ta den proceso, e peticionario lo keda informa den termino, e decision.

Tereno cu proyectonan cu a keda para

Proyectonan cu ainda ta den proceso ta den un fase di evaluacion. Ultimo lunanan DIP a cuminsa traha mas eficiente riba e peticionnan acumula. DIP ta na un momento crucial unda cu mester ta mas responsabel cu peticionnan, especialmente ora ta trata di apartamentonan y hotel. Pues tur loke por wordo menciona den media ta hustamente e problemanan cu DIP a minimalisa cu entre otro e introduccion di e cuadro legal


ROP/ROPV y su manehonan perteneciendo na esaki.

Localnan ta pidi y no por haya

Otro punto di bista cu e inversionista a trece dilanti ta cu ciudadanonan local tampoco por haya tereno. Sr. Croes a splica cu e maneho di terenan residencial ta accesibel riba website di DIP. Pa DIP por recobra terenan otorga, sea cu nan ta wordo uza of no, ta rekeri un caminda legal cu DIP tin cu bay encamina. DIP ta consciente di e scarsidad di vivienda y tereno pa vivienda. Pa e motibo aki a bin un proyecto piloto di casnan di piso. Tur esaki vislumbrando e futuro.

Automatisacion

DIP kier yega na un servicio mas automatiza unda den e tranquilidad di bo hogar bo por haci bo peticionnan online. Esaki awor ta posibel caba pa 3 tipo di producto. Locual DIP ta tratando na logra ta pa esaki por wordo extende na mas producto. Asina tambe agilisa e proceso unda cu pueblo lo sinti un cambio den e servicio cu mester wordo brinda.



Cu e comunicado aki DIP ta spera di trece claridad na e inversionista acerca di e maneho actual cu sigur no ta pa stroba e inversionista di inverti, pero mas bien ta cumpli cu criterionan cu mester tin pa un maneho di espacio ordena.

Ademas a splica locual cu DIP ta haciendo awo cu e situacion cu a hereda pa pone e departamento bek den rumbo corecto. Tambe mester cumpli cu e cuadro legal pa por guia Aruba den un desaroyo sano y DIP sigur kier pa e inversionista tambe tin un rol specifico den esaki.

Januari 2023 a muestra di ta mas fuerte cu januari 2022 y januari 2019

Den luna di januari 2023 nos destinacion a ricibi un total di 98,942 bishitante "stay-over". Si compara luna di januari 2023 cu januari 2019 - cu tabata e ultimo aña normal di turismo, por mira cu Aruba a recupera 105% di locual

a wordo ricibi na januari 2019, cu ta indica un crecimiento di 5%.

Si compara januari 2023 cu januari 2022 por wak un recuperacion di 166% cu ta indica un crecimiento di 66%.

Mercado y categorianan di acomodacion

Den januari 2023 82.8% di e total di e bishitantenan "stay-over" pa Aruba a bishita for di Norte America, 6.6% a bishita for di Europa, 8.4% a bishita for di Latino America y 2.1% tawata procedente di

otro partinan di mundo.

Mirando e categorianan di acomodacion, den januari 2023 36.1% di bishitante a keda den hotelnan High-rise, 8.1% a keda den hotelnan Low-rise, 26.1% a keda den Timeshare y 29.8% a keda den otro tipo di acomodacion, conoci tambe como vacation rentals.

Vacation Rentals

Ta importante pa menciona cu A.T.A. tin acceso na un plataforma unda por wak e cantidad di cas, apartamento y villas cu ta wordo uza como vacation rentals como tambe e prijs averahe pa anochi, e ocupacion y un calculacion di e entrada cu esakinan ta genera.


Si compara januari 2023 cu januari 2022 por wak cu e prijs averahe di e acomodacionnan aki a crece cu 15%, for di un prijs averahe di \$236 pa anochi na januari 2022 pa un prijs averahe di \$271 na januari 2023. Si compara

januari 2023 cu januari 2019, por wak cu e prijs averahe di e acomodacionnan aki a crece cu 43%, for di un prijs averahe di \$189 pa anochi na januari 2019 pa un prijs averahe di \$271 na januari 2023.

Si compara januari 2023 cu januari 2022 por wak cu e ocupacion averahe di e acomodacionnan aki a crece cu 7 punto di porcentahe, for di un averahe di 61% na januari 2022 pa un averahe di 68% na januari 2023. Si compara januari 2023 cu januari 2019 por wak cu e ocupacion averahe di e acomodacionnan aki a crece cu 3 punto di porcentahe, for di un averahe di 65% na januari 2019 pa un averahe di 68% na januari 2023.

Den caso di entrada, si compara januari 2023 cu januari 2022 por wak cu e categoria a genera un crecimiento den entrada di 42%. Si compara januari 2023 cu januari 2019 por wak cu e categoria a genera un crecimiento den entrada di 195%.

STAY-OVER VISITOR ARRIVALS JANUARY 2019 - 2023



Awo cu 2 florin mas, bo por gana e

*** Afl. 370.000,-**

*** Afl. 270.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

MEGA PLUS

Cardiologonan na Isala Hospital a forsa pashentnan implanta ICD

(NLTimes) – Por lo menos 4 pashent na Isala Hospital na Zwolle a bisa cu e cardiologo a forsa nan implanta un defibrilador implantabel (ICD), conoci tambe como un ‘pacemaker’ internacionalmente.

E pashentnan a tuma contacto cu NRC despues cu publicacionnan tocante un investigacion di posibel corrupcion contra 5 cardiologo di Zwolle y un fabricante di ekipo di curason Aleman a ser publica. Un di e victimanan en cuestion mester a retira e ICD despues pa causanan medico.

Isala Hospital a admiti na NRC cu pashentnan su tratamiento “claramente no tabata cumpli” cu e standardnan. “Un pashent nunca mester sinti presion pa scoge un tratamiento en particular. Pa e motibo aki nos no por ni imagina e sentimento di e pa-



shentnan aki ora di pensa riba nan experiencianan,” e hospital a declara.

Regulador di cuido di salud Hulandes Zorginstituut Nederland recientemente a adverti cu e cardiologonan Hulandes ta implanta ICD cu demasiado frecuencia sin cu e dispositivo ta mehora e calidad di e pashent su bida ni

tampoco nan chens di sobrevivi. El a duna instruccion na cardiologonan pa ta un poco mas cauteloso ora di implanta ICD y pa informa e pashentnan di miho manera tocante e riesgonan involucra den esaki.

Isla ta implanta e cantidad mas grandi di ICD di tur hospital Hulandes, tambe en

relacion cu e grandura di e poblacion di pashent, segun NRC. E hospital anteriormente a investiga e motibo pa esaki pero solamente a conclui cu e dokternan di Zwolle ta opera dentro di reglanan Europeo.

Un di e pashentnan den e corant a bisa cu e dokternan di Zwolle a insisti pa e ricibi

e ICD aki na un clinica den Indonesia. Despues di e implantacion e nunca a ricibi yamada pa revisa esaki. E cardiologonan di Isala a traha por lo menos 20 aña na Cinnere Clinic den Jakarta. E hospital na Zwolle ta nenga tur responsabilidad pa tratamentonan na Indonesia como parti di nan partnership. “Isala nunca tabata involucra den e actividadnan individual cu e cardiologonan di Zwolle a ehecuta na e sitio. Pa e motibo aki, e pashentnan cu a ricibi tratamento na e sitio no ta conoci pa Isala, nificando cu Isala nunca por a haci un reviso pa nan.” E corant a trece dilanti cu e pashentnan di Jakarta tabata ricibi carchi di dokter cu e number di Isala riba di esaki, na cual Isala a contesta cu esaki tabata “mal uso di e carchinan,” y a enfatisa cu no tabatin mas contacto cu Indonesia den e departamento di cardiologia.

Protocol nobo pa dolor di pecho por preveni 50,000 hospitalisacion pa aña na Hulanda

E científiconan di Nijmegen a desaroya un metodo pa laga pashentnan cu un riesgo abao di ataca di curason keda cas safe na luga di ser hospitalisa, De Volkskrant a reporta. Cada aña, mas o menos 200,000 persona na Hulanda ta yama ambulance pa causa di dolor di pecho. E protocol cu empleadonan den e sector aki ta usa actualmente ta bisa cu nan mester bay emergencia inmediatamente pa motibo cu esaki por ta un indicacion di un ataca di curason. Sin embargo na hospital, 80 pa 90 por ciento di e pashentnan finalmente ta resulta di ta bon.

Cardiologo Cyril Camaro y su coleganan, pa e motibo aki, a desaroya un protocol nobo. E personal di prome auxilio mester determina si e



pashent ta na riesgo halto of abao di un ataca di curason pa medio di tende e pashent su descripcion di kico a tuma luga, haci un ECG y considera factornan manera e edad y e estilo di bida. Un pashent den riesgo halto ta ser hiba inmediatamente sala di emergencia. Pashentnan di riesgo abao lo ser revisa pa e paramediconan kendenan lo midi e nivel di troponin den nan sanger, cual ta algo cu recientemente a bira posibel

fuera di hospital danki na tecnologianan avansa. Nivelnan halto di troponina lo nifica cu mester bay hospital, mientras cu nivelnan abao ta nifica cu e pashent por keda cas.

E investigadornan di Radboudumc a test e protocol aki riba 863 pashent di riesgo abao, mita kendenan a keda hospitalisa segun e metodo bieu y e otro mita a keda cas. E riesgo di maleza di curason

severo den un luna despues di e dolor di pecho tabata menospreciabel pa ambos grupo cu 0.5 por ciento pa e pashentnan cu a keda cas y 1 por ciento pa e pashentnan kendenan a bay hospital.

“Nos ta demostra asina cu e manera aki di traha pa e pashent y tambe hopi mas placentero. Den un ambulance y sala di emergencia bo mester trata cu tur tipo di sonido, strobamento y stress. Hopi

biaha personanan no por traha pa un of dos dia. Bo ta caba na hospital cu un experiencia intenso,” Camaro a splica e corant. A pesar di e tareanan extra pa e personal di ambulance, e metodo aki no ta mantene e ambulance ocupa pa hopi mas tempo compara cu transporta e pashent sala di emergencia. Mayoria ambulance tabata disponibel rapidamente.

Mas tratamiento casero lo alivia e presion tambe pa salanan di emergencia segun Camaro. “Den un calculacion mas o menos, e manera di traha aki ta salba un den cada cuatro hospitalisacion di curason, cual ta mas o menos 50,000 pashent pa aña.” Si e protocol aki keda introduci na Hulanda, esaki lo spaar 48 miyon euro den gastonan di cuido di salud segun su calculacion.

Caribe Hulandes ta mira Prinses Amalia como simbolo di integridad y estabilidad

(CuracaoChronicle) - Den e barrio di Windward-side na Saba, un baby a ser poni den man di prinses Amalia. Esaki a tuma lugha varios biaha durante e ultimo dianan. E prinses ta hari y laga e personanan presente tuma potretnan.

E ta ricibi y duna brasa na e muchanan chikito, e ta duna high five, e ta duna un man. E ta mira e presentacionnan y tende e presentacionnan tocante naturaleza, cultura y historia. Ademas, tur camin-



da a tende pueblo ta grita pa haya su atencion. Cosnan por bay di e manera incorrecto hopi lihe, durante

un prome bishita den exterior na un parti di un reino. William y Kate di Reino Uni a ser ricibi tempo atras den

e paisnan Belize, Jamaica y Bahamas unda cu nan a ser ricibi cu demostracionnan, demandanan pa reparacion pa esclavitud y yamadonan pa aboli e monarkia.

Sinembargo den e islanan di e Caribe Hulandes a mira un imagen completamente diferente den e recepcion di e famia real. Por a mira den e pueblonan frustracionnan y mal contenido, sinembargo tur esaki tabata dirigi na nan propio politiconan y esunnan di Hulanda. Na ningun mo-

mento a sinti den e atmosfera un mal sentimento pa cu e Rey ni Reina, y mucho menos e Prinses.

E islanan a demostra e amor y calor di e islanan di Caribe di un manera cu e Prinses por a sinti su mes safe, e Rey no mester a preocupa cu e seguridad di su yiu, e pueblo por a haya un simbolo di integridad y estabilidad y mas importante, pueblo por a mira cu nan ta den man di un famia real cu ta expresa preocupacion y atencion na e islanan.

Organisacionnan defensor di animal ta tumando accion legal contra Curaçao Animal Protection Foundation


(CuracaoChronicle) - Varios organisacion na Corsou dedica na bienestar animal a cuminsa tuma accion legal contra Curaçao Animal Protection Foundation pa motibo cu nan kier preveni cu ta gara e bestianan y ta mata nan innecesariamente.

Curaçao Animal Protection Foundation tin plan di cuminsa cu un campana grandi unda cu tin e meta di gara bes-

tianan cu ta riba caya. Como parti di e campana aki e personanan cu gara cachonan of pushinan riba caya y entrega esakinan lo ricibi compensacion y e campana aki ta den plan di cuminsa pronto. Segun Curaçao Animal Protection Foundation, nan ta forsa di mata e bestianan di caya aki pa motibo cu tin un falta grandi di lugarnan di shelter unda cu por laga e bestianan aki. Sinembargo mata e bestianan ta algo cu ta prohibi pa ley. Ademas, e

fundacion no a crea shelter tampoco y segun otro organisacionnan dedica na bestianan y e proteccion di esaki, nan a fracasa seriamente den tur aspecto di nan responsabilidadnan como fundacion pa proteha bestia.

Pa para Curaçao Animal Protection Foundation, House of Animals a crea un peticion unda cu ta urgi e gobierno Hulandes bisa Corsou cu mata bestianan ta contra di ley. Pa e mainta cu e peticion



a keda publica 10,000 persona a firma esaki.

Curaçao Animal Protection Foundation ta nenga cu nan

a haci yamado na pueblo pa trece bestianan y ricibi compensacion pa esaki. Segun e fundacion, esakinan ta boluntario kendenan prome ta ser revisa pa confirma cu nan tin e actitud corecto pa cu esaki y cu ta ricibi un training cortico di con pa gara e bestianan aki di e manera mas amigabel y safe pa ambos e bestia y boluntario cu ta posibel.

E audiencia den corte lo tuma lugha riba diamars.

Rey Willem-Alexander ta spera di por mira islanan na conferencia di awa

(TheDailyHerald) - Rey Willem-Alexander a comenta cu e ta spera cu e islanan dentro di e Reino Hulandes por hunga un rol activo den e conferen-

cia binidero di Nacionnan Uni yama UN 2023 Water Conference cu lo tuma lugha na e base di operacion na New York den maart.



E Rey a bisa riba su ultimo dia di bishita na e parti Caribe di Hulanda cu e kier hiba e islanan e conferencia pa motibo cu nan ta experiencia efectonan severo di cambio di clima, manera tormentanan cada biaha mas fuerte y e menasa andante di nivelnan di lama cu ta hisando. Den

respuesta na un pregunta di Daily Herald di parti di media di tur 6 isla den e Caribe, e Rey a corda e reporteronan presente cu aunke e islanan ta contribui tiki na e cambio di clima, nan ta experiencia e efectonan mas severo.

“E ta hopi bunita pa mira con

e islanan ya caba ta haci asina hopi trabao den termino di energia renovable, conscientisacion ambiental y sortiamiento di sushi. E no ta perfecto ainda, y claramente, nos sa cu ambos Sint Maarten y Aruba ta enfrenta hopi problema tocante nan dump, pero e conscientisacion general ta avansando,” el a expresa.

Hulanda lo ta co-anfitrión di UN 2023 Water Conference cual lo tuma lugha na e base di operacion di Nacionnan Uni den New York for di dia 22 di maart te cu dia 24 di maart y lo enfoca riba adaptacion y mitigacion.

Reina Maxima a agrega cu e ta di gran importancia pa proteha e recursonan natural di e islanan. “E mangelnan y e coralnan tambe ta hunga un rol significativo den proteha e islanan. Esaki tabata sumamente cla durante e biahe aki,” el a comenta.



STATEN VAN ARUBA

OPENBARE VERGADERING OP 22 FEBRUARI 2023 OM 9:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Ontwerp-landsverordening houdende machtiging van de minister van Economische Zaken, Communicatie en Duurzame Ontwikkeling tot het verrichten van een schenking van een bedrag van ten hoogste Afl. 123.000,- aan de stichting Qredits Microfinanciering Nederland, alsmede tot het gedekt verklaren van enkele in het verleden verrichte schenkingen door het Land aan de Stichting Qredits Microfinanciering Nederland.

De Griffier,

mr.drs. Herman Ch. J. Hek

Gobierno Hulandes gastando un fortuna riba boet

(NLTimes) - **Gobierno Hulandes ta gastando un fortuna riba pagonan di boet na solicitantenan di asilo kendenan su proceduranan no a ser trata dentro di e tempo stipula. IND a faya e deadline aki mas o menos 20,000 biaha aña pasa cual ta 4.5 biaha mas cu esun anterior segun loke De Telegraaf a reporta.**

IND no a reporta su figuranan anual exacto pa loke nan a gasta den e pagonan aki di compensacion. Parlamen-

tario di SGP Roelof Bisschop a calcula cu e cantidad ta na entre 80 pa 1000 euro. El a puntra e Secretario di Estado encarga cu Asilo pa revela e figuranan aki y un splicacion dicon asina hopi solicitante di asilo su proceso no a keda cla den e tempo cu a stipula.

Hulanda ta e unico estado miembro di e Union Europeo cu ta usa e pagonan di boet aki riba proceduranan di asilo. Si un solicitante di asilo su procedura no ser trata dentro di 6 luna, nan por bay corte y demanda pa ricibi



un compensacion. Gabinete a purba di blokea e procedenci-

anan aki ana pasa, sinembargo e intento aki a fracasa na e Consejo di Estado.

Den zomer di aña pasa, Inspectorado di Husticia y Seguridad a adverti cu IND no tabatin suficiente placa ni empleado pa asesora e aplicacionnan di asilo apropiadamente, creando un atraso grandi y un aumento den fayo pa cu e cumplimiento di e deadline. Ademas di e capacidad limita, IND tambe mester a trata un aumento di solicitud pa asilo.

Partidonan izquierdista kier transport publico gratis pa personanan di menos ingreso

(NLTimes) - **PvdA y GroenLinks kier experimenta cu transport publico gratis pa personanan cu ta gana tiki. Tambe nan kier baha e aumento den prijs di ticket recien den nan plan di 400 milyon euro pa combati "pobresa di transport" segun parlamentarionan Habtamu de Hoop di PvdA y Kauthar Bouchallikht di GroenLinks su declaracionnan na AD.**

Segun e partidonan aki, e "pobresta di transport" a aumenta pa motibo cu e gobierno a gasta 1.2 bion euro den baha e gastonan di petroleo y diesel pa yuda pueblo cu e prijsnan halto di gasolin sinembargo a causa cu prijs di bus y trein a aumenta.

E prijs di bus, tram y metro a aumenta cu 7 por ciento mientras cu ticket di trein a bira 4.3 por ciento mas caro. Central Planning Office (CPB) a calcula cu lo costa 400 milyon euro pa deshaci di e aumento di prijs aki. PvdA y GroenLinks kier pa Gabinete haci esaki y paga pa esaki pa medio di aumenta e impuesto riba ganashi y e impuesto riba capital.

"Transport publico mester

bira un derecho basico primario, no algo cu ta genera ganashi. Tin gruponan chikito cu tin un gran necesidad pa transport publico," Bouchallikht a expresa. Sin un transport publico accesibel, e personanan den rolstoel of cu problemanan di bista no lo por transporta nan mes di manera independiente mas.

Pa motibo aki e partidonan tambe kier un standard di accesibilidad di 45 minuut cu lo por aplica. Si e ciudadanonan no por yega scol, supermarket of e hospital mas cercano dentro di 45 minuut, nan mester por ricibi un coupon pa taxi di nan municipalidad. Y e Ministerio di Infraestructura y Manejo di Awa mester cubri e gastonan aki.

Ambos tambe kier experimenta cu un transport gratis pa e personanan cu tin ingreso abao pa un aña. Si e resultadonan ta prometedor, esaki mester keda permanent. Bouchallikht y De Hoop a referi na un experimento den Alemania cu un ticket di trein cu ta costa 9 euro pa luna. E uso di e ticket aki a asombra tur hende y gobierno a aumenta e prijs na 49 euro.

"Nos a mira con importante e ticket aki ta considera na Ale-

mania. Cuminsa cu e personanan di ingreso abao cu tin mester di e sosten aki," De

Hoop a bisa. "Nos ta bisa cu e ta costa placa, pero e ta bal la pena pa sociedad si tur hende

por participa," Bouchallikht a clausura.



AWE

Valentine's Special

ROLL DOWN

Ganado Garantisa!

14 DI FEBRUARI

LOTTO DI DIA

150.000

Si no tin ganado cu 5 number bon, e ta bay na esun cu tin 4 number bon y asina e ta keda Roll Down te ora tin ganado!

Corda pidi pa bo Facilito y gana premio cash instantaneo!

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

[f](https://www.facebook.com/lottoaruba) [t](https://twitter.com/lottoaruba) [y](https://www.youtube.com/lottoaruba) [i](https://www.instagram.com/lottoaruba)

www.lottoaruba.com

LOTTO
Combina y Gana

Peru: Boluarte ta priminti lucha contra “narcoterrorismo” despues di e morto di 7 polis

(Reuters) – Presidente Peruano, Dina Boluarte, ayera dialuna a anuncia un lucha frontal contra “narcoterrorismo” den e entiero di shete polis cu a wordo asesina na un zona unda narcotraficantenan ta opera den aliansa cu loke ta keda di e grupo rebelde Sendero Luminoso.

Agentenan a wordo sorprendi ora nan tabata transporta den un auto diasabra ultimo na un poblacion lehamo di e region Andino denomina VRAEM,



valle di e riunan Apurimac, Ene y Mantaro segun Min-

isterio di Interior, e incidente mas letal di e tipo aki pa polis

den mas di un decada.

“Mi gobierno ta dispuesto pa lucha frontal y dicidi contra e aliansa aki forma pa terrorismo y narcotrafico na VRAEM y na tur teritorio nacional. Nos no lo permiti mas morto, ni mas violencia, nos kier paz,” Boluarte a afirma den un discurso na e ceremonia di entiero di e polisnan.

VRAEM ta un region di e grandura di Puerto Rico, unda ta produci 75% di e cocaína di e pais sur Americano y ta e centro di operacionnan

constante di forsan di siguridad contra loke ta keda di e grupo Sendero Luminoso, cu segun polis ta actua como “vigilante” di e narcotraficantenan.

Presidente Boluarte den e ceremonia den cual famianan di e polis morto tabata presente, a afirma cu su gobierno lo sigui traha pa e “bienestar” di e poblacion y a expresa su rechazo na “tur acto di violencia cu ta pretende ranca nos bida, e salud, integridad y derecho na paz.”

Ecuador: A haya un fabrica di monedanan falso di dollar



(Infobae) – Polis di Ecuador a haya un fabrica clandestino di monedanan falso na Quito. E agentenan di Unidad di In-

vestigacion di Delitonan Transnacional tabata esun encarga di e operativo cu a permiti descubri e fabrica ilegal aki.

Como parti di e operativo cu a wordo haci na parokia di Tumbaco, cerca di Quito, un ciudadano stranhero a wordo deteni. E homber ya caba tabatin antecedentenan penal pa falsificacion di placa na Colombia. E inval a wordo coordina cu Fiscalia General di Estado y apoyo di HSI, e grupo investigativo principal di Departamento di Siguridad Nacional di Merca.

Polis tambe a indica cu e fabrica clandestino tabata elabora pa siman cerca di 12.000 moneda falso di circulacion nacional y stranhero, aunke

no a duna detaye di ki pais. Sinembargo, por a verifica cu a haya monedanan di 0.25 dollar, 0.50 dollar y di 1 dollar.

Como parti di e inval, polis a confisca dos mashin hidraulico, 2.000 soporte di metal cu caracteristicanan similar na monedanan di Merca, 13 molde pa print, ademas di insumo kimico.

Segun autoridadnan a informa, tabata fabrica monedanan falso cu mashinnan di calidad haltu, e obhetivo tabata pa introduci e placa falso na economia di Ecuador, specialmente na sectornan eco-

nomico.

Na Ecuador, delito di falsificacion di moneda y otro documentonan ta den articulo 306 diCodigo Organico Integral Penal y ta wordo sanciona cu privacion di libertad di cinco pa shete aña.

Segun calculonan di autoridatnan na Ecuador ta bin confiscando un promedio di 4.6 miyon dollar den placa falso pa aña. “Den ultimo cinco aña a confisca 22.914.915 dollar falso,” ministerio di Gobierno a señala den un comunicado na aña 2022.

Brazil: Barconan Irani ta rondia sur America y Lula ta warda nan

(Infobae) – E biahe di dos barco Irani pa Brazil a bira un scandal internacional. Ta trata di e fragata Dena y di e barco di guerra Makran, autorisa pa gobierno di Luiz Inacio Lula da Silva pa yega y permanece den waf di Rio de Janeiro for di 23 pa 30 di januari.

Pero a bira conoci door di e bishita di Lula na presidente di Merca, Joe Biden dia 10 di februari cu e barconan nunca a yega.

Segun splicacion di Ministerio di Relacionnan Exterior di Brazil, El Itamaraty, tabatin un retraso den e ruta loke a causa un cancelacion di autorisacion pa dreña na waf siman pasa, den e dianan di bishita di Lula na Cas Blanco. Pero pa evita e incidente diplomatico, gobierno Brasileño

a nenga e autorisacion y a pospone entre 26 di februari te 3 di maart cu e hustificacion di celebra 120 aña di relacionnan diplomatico di Brazil cu Iran.

Makran ta un barco petrolero antiguo cu a bira un barco di guerra potente similar na Expeditionary Sea Base di Marina Mericano. Ta utilis’e como base pa barconan mas chikito y aeronave. Segun autoridadnan Irani, ta capaz di transporta miyones liter di combustibel tin autonomia pa nabega durante dos aña. Na 2021 Pentagono a intercepta e barco aki ora e tabata bayendo Venezuela cu shete boto cu misil di velocidad haltu, loke a genera un crisis diplomatico fuerte cu gobierno di Nicolas Maduro, cu finalmente a mester a nenga pa permiti nan yega pa presion di Washington.

Di su parti, Dena tin cuater misil Qader abordo cu tin un alcance di 300 km y cual Iran ta describi como “un di e misilnan mas potente y precies di Marina Irani.”

Nan escala na Brazil ta forma parti di un plan mas amplio, cu a keda dicidi den un reunion celebra na november 2022 pa e lider religioso Ayatollah Ali Khamenei, ken a traves di e oceannan kier reforsa e imagen di Iran na mundo.

Segun e periodista di investigacion Leonardo Coutinho, e hecho cu nan no a yega na waf di Rio de Janeiro no ta implica un retraso den nan ruta, como El Itamaraty a declara, sino e actividadnan di servicio di inteligencia di Merca cu nan aeronave WC-135R Constant Phoenix



64-14836 yama tambe “rastreador nuclear” a haci y cu a sali for di Puerto Rico pasando cerca awanan teritorial di Venezuela, Guayana, Surinam, Guayana Frances y parti di Brazil. Ta trata di e mesun ruta pero di otro banda cu e barconan mester a sigui pa yega Panama for di Rio de Janeiro.

E avion aki ta specialisa den deteccion y medicion di actividad nuclear na atmosfera, segun Coutinho tabata precisamente e actividadnan di medicion Mericano cu a duna impulso na Iraninan pa cambia nan plan di ruta y evita cu lo descubri nan operacionnan.

Venezuela ta pidi pa mehora vacunacion despues di alerta di posibel brote di sarampi na America

(ElNacional) – Academia Nacional di Medicina a pidi e Estado Venezolano pa mehora e vacunacion di e poblacion infantil na e pais, pa evita e reestablecimiento di e transmision endemico di sarampi. Esaki despues cu e Organizacion Panamericano di Salud a emiti dia 8 di februari ultimo un alerta tocante e posibilidad di e ocurrencia di brotenan di e virus aki na paisnan di America.

E expertonan a adverti den un comunicado cu e riesgo di brotenan di e enfermedadnan prevenibel pa vacunacion den e region ta den nan punto mas halto den e ultimo 30 añanan.

Den e caso di Venezuela, e cobertura di prome dosis di e vacuna cu ta proteha contra e sarampi, bruela y cacheton a alcanza 76% den 2021, mientras cu e di dos dosis a alcanza solamente 28% di e pobla-



cion infantil.

“E situacion aki ta indica e riesgo halto cu e muchanan cu no ta vacuna ta core di wordo infecta si nan ta exponi na e virus,” e Academia Nacional di Medicina a alerta.

Tanto e sociedad científico

Venezolano como e OPS ta haci un yamada na e mayor- y representantenan pa nan aplica na e muchanan e di dos dosis di e vacuna cu ta proteha contra sarampi, bruela y cacheton, pa asina evita e presencia di brotenan y di complicacionnan grave manera pneumonia, cu lo por tin resultadonan fatal den al-

gun caso.

“Nos ta suplica e Ministerio di Salud pa adkiri e vacunanan di calidad y den cantidad suficiente pa sigura y mehora e cobertura di vacuna di nos muchanan,” e comunicado a termina.

E OPS a adverti cu e dis-

minucion den e cobertura di vacunacion infantil contra sarampi a aumenta e posibilidad di e ocurrencia di brotenan den e region, door di cual el a suplica e paisnan di America pa actualisa nan plannan di respuesta.

America a wordo declara liber di sarampi na 2016. Sinembargo, dilanti e circulacion di e virus na otro luganan na mundo, paisnan di e region a reporta un aumento di casonan importa entre 2017 y 2019, cu e brotenan mas importante na Brasil, unda e circulacion endemico a continua, y Venezuela.

Desde e tempo ey, e casonan confirma a baha y na 2022 debi na e medidanan di distanciamiento social door di e pandemia di COVID-19, solamente seis pais di e region a notifica casonan di sarampi importa: Argentina, Brasil, Canada, Ecuador, Mersa y Paraguay.

Republica Dominicana: Director general di Polis ta asumi investigacion di morto di un mucha na carnaval di Santiago

(DiarioLibre) – Director general di Polis Nacional, mayor general Eduardo Alberto Then, a asumi e investigacionnan ariba e morto di un mucha di 12 aña, cu segun acusacionnan tabata den man di un agente di e cuerpo di orden durante e celebracion di e di dos dia-domingo di e carnaval na Santiago.

Alberto Then ta na Santiago hunto cu e general Pedro Eugenio Cordero Ubri y Diego Pesqueira, inspector general y director di comunicacion di e cuerpo policial, respectivamente, pa profundisa e investigacionnan di e fayecimento di e hoben Donaly Martinez, pa motibo di un herida di bala.

Pesqueira a indica cu tur e agentenan policial cu a actua y varios civil involvi den e situacion, ta deteni como parti di e proceso di investigacion.

El a garantisar cu e responsabel of responsabelnan, lo mester responde dilanti husticia pa e hecho. El a indica cu nan

lo adopta e medidanan core-spondiente, conforme e resultado di e investigacionnan.

El a precisa, ademá, cu parti di e comision di investigacion ya ta na Santiago realizando entrevistanan necesario.

E tata di e mucha, Donaly Martinez, a bisa cu mester haci husticia cu e morto di su yiu.

Mientras e tabata warda na e Instituto Nacional di Ciencia Forense (Inacif) pa e curpa di su yiu di 12 aña, Anthony Martinez a bisa cu e ta spera cu e autoridadnan no ta distorsiona e realidad di con e cosnan a pasa.

“Nos ta spera cu nan no ta bin cu un popchi di aki pa aya, cu e no tabata asina, cu ami no sa kico. Mi ta wak riba rednan social cu nan ta bisa cu ami tabatin un arma, mi nunca tabatin un arma, e arma tabata di dje, e agente policial y di su brigada,” el a indica na periodistanan cu tabata cubriendo e incidente na e zona.

Den e sentido ey, dunando

su version di e hechonan, el a splica cu e agente a saca un arma riba dje door di cual el a gara su brasa, el a bras'e y nan tur dos a cay riba vloer. “El a apunta riba mi y ami a bula riba dje y di eynan nos a cay riba vloer y eynan ta ora mi a scucha e tiro,” Martinez a detaya.

Papiando di e motibo pakico e hechonan violento a cum-

insa, el a splica cu prome cu e incidente e tabata sinta dilanti su barberia scuchando musica hunto su amigo y su yiu.

“Un polis a bisa mi pa nos stop di toca musica te ora cu e grupo baha. Mane 20 minuut despues nan a yega riba e mesun caya. Nan tur a yega arbitrariamente, nan ta habri e porta pa bay cu e radio, cu na e momento ey tabata paga, e

no por bisa cu e tabata cendi, y ami ta bisa warda, ban papia, el a tira gas lagrimogeno y ora mi a yega cerca el a pusha mi y mi a tire un mokete y eynan el a saca e arma,” e barbero a conta.

El a bisa cu despues di e incidente den cual cu su yiu a resulta herida mortalmente, el a keda deteni te cu 1or di marduga.



Ke.Ke Mega Mart
NA CURA CABA!

Nos ta cla pa **Carnaval 69!**

- Tin pechi den diferente color y tambe cu **LUZ**.
- Mascarada colorido y diferente style. Tambè tin short, bermuda, stretch jeans, blusa, top y accesorios. Keds, make-up 'cu ta blink y hopi mas pa bo luci den Carnaval 69!

Feliz Carnaval!

69 Alegria y Fantasia

Ambiente, color y fantasia a resalta den Parada di Mucha San Nicolas

Diadomingo atardi a tuma luga e ultimo parada di mucha di Aruba su carnaval 69. Parada di mucha San Nicolas tabata yen di color, fantasia, creatividad y mas cu claro hopi ambiente carnavalesco. Un total di 4 grupo a participa y na final di esaki, manera ta tradicion a kima e momito clausurando asina e actividadnan di carnaval di mucha pa e aña aki.

E muchanan di TOB Kids, Champagne Kids, Don Flip Carnival Group y Centro di Bario Noord a baila y gosa di principio te final. Tur a luci trahenan bunita, diferente carosa espectacular riba caminda y mester remarca cu durante parada e ganadornan di e festival di Caiso y Soca infantil y hubenil tambe a presenta nan cancion riba caminda. E ambiente tabata completo y e personanan na banda a disfruta di un bunita parada.

Na final, manera ta costum-

ber caba, a tuma luga e kimamento di momito y segun tradicion, momito a laga su testament a tras cu su deseonan pa yuda engrandecé Aruba su carnaval. Algun punto den su testament a inclui cu e lo kier mira mas participacion den e paradanan di mucha. El a duna como ehempel Centro di Noord.

Momito a menciona tambe cu el lo desea pa enbes di hende ciritica, pa lora manga y cuminsa traha den union pa engrandecé carnaval. El a lamenta cu durante jouvert



trata e paradanan, nos ta hopi satisfecho y e muchanan tambe pasobra nan a haya chance di gosa cuater ora na esun di San Nicolas y esun di playa casi cinco ora riba caminda," el a agrega.

Pa otro aña, el a sigui splica, SMAC ta bay haci evaluacion mirando cu oro aña temporada di carnaval ta mas cortico. El a indica cu nan a cuminsa pensa caba cu nan ta bay dedica algun ora sigur na loka ta carnaval mes tur dia den siman, di dialuna pa diabierna y pues nan spera cu nan por keda cu e luga di oficina na Plaza



Betico pa nan por sigui traha tur dia un tiki pa loka ta preparacion pa carnaval di mucha 2024.

"Mi kier sali na bisa na e momentonan aki, mi kier pega na loka momito a laga atras den su testament, organisacion-, scol- y barionan, mescos cu el a bisa e ehempel di Centro di Bario Noord, mi ta kere tur otro tambe por forma nan centro di bario, arma e gruponan y participa den loka

ta carnaval di mucha, ta e unico manera cu nos por haci esaki un tiki mas grandi," van Ommeren a finalisa.

"Giselle"
Department Store
Na Noord
Nos ta cla pa **Carnaval 69**

Nos tin boa den diferente color, Peluca den variedad di color y estilo, Mascarada cu pluma, Wimpers, Cadena di Mardi Gras, Tutu den varios color, glas di Luz, Corona, armband, renchi dede y cadena di luz, sticker di stench pa cara, make-up, mea di net y diferente pantyhose, keds, sandalia, short y bermuda pa grandi y chikito, y hopi mas pa menciona...

Carnaval

CARNAVAL SPECIAL
15% DESCUENTO
ARIBA
LATEX & FOIL
BALLOONS

GRABO **Sempertex**

BiG
Department Store
na Tanki Leendert

Ta invitabo bin wak e outfit cu bo ta desea pa bisti den temporada di **Carnaval 69**.

Nos a caba di ricibi Jeans den tur size, color y style y keds pa combnina. Tambe variacion di short, topnan y mea den diferente color. Tas chikito ideal pa e temporada. Eye shadow y mas accesorios. Nos tin outfit pa mucha, teeners y hende grandi.



SUPER SHOPPING

Nos a drenta den esfera di **Carnaval** y si bo mester di Jug, Stul, Mesa, Make-Up, Handschoen den diferente color. Keds pa hende grandi y mucha, mascarada, accesorios, short, difras pa mucha, blusa, shirts anto pa diabierna otro Container mas ta yega cu hopi mas articulo di Carnaval!!!

Nos ta wardabo



NOW HIRING!
ROUTE COLLECTIONS
Full-Time

Work with a great team! We will train you on all aspects of the job. Duties include sales, customer service, collection calls, delivery and other aspects of retail operations.

Requirements:

- Driver's license
- Ability to lift 50lbs
- 40 hrs per week
- Saturday work schedule

Starting salary FL. 2167,00 (negotiable) per month + incentives, + monthly performance bonus up to FL. 800,00/month

Call Now! 582.7368

DIAL
Rent-to-Own

Dicon ta celebra Dia di San Valentin un 14 di februari?



Cada 14 di februari na varios pais di mundo ta celebra cu hopi entusiasmo y alegria e Dia di San Valentin. Un dia hopi special pa hopi hende, na unda ta resalta e importancia di amor y cu aunke tin e creencia cu su origen ta comercial, e ta bin for di hopi aña pasa.

Pero e fecha aki a adopta varios number, Dia di San Valentin, Dia di Amor y Amistad, pero kico ta e origen di e celebracion particular aki?

E festividad cu a wordo acepta pa iglesia catolico, ta bin for di siglo 3 na Roma na unda un sacerdote di nomber Valentin a oponer na e orden di emperador Claudio 2, ken a dicidi di prohibi e celebracion di matrimonionan pa hobennan, considerando cu hende soltero sin famia tabata sirbi miho como soldaatnan, ya cu nan tabatin menos vinculo sentimental.

Ora Valentin a nenga di cumpli e decreto di



e emperador, el a cuminsa realisa den secreto e matrimonionan di hobennan, for di eynan a popularisa San Valentin como e patron di e personanan namora.

Ora Claudio a haya sa di loke Valentin tabata haci, Claudio a sentencia Valentin na morto dia 14 di februari di aña 270, bisando cu el a desobedece y a rebeldia. Pa e motibo aki, tur aña ta wordo conmemora tur aña riba dia di San Valentin.

14 di februari ta wordo celebra na hopi pais rond di mundo incluyendo na Spaña, Belgica of Francia como e Dia Internacional di Hende Namora, sinembargo, na tur pais ta celebra e dia aki e mesun dia, na algun luga e nificado ta cambia.

Na Finland y Estonia ta un homenahe pa amistad y ta haya e nomber di 'Sobrapäev' y 'Ystävän Paiva', incluso ta un fecha preferi pa

pidi matrimonio of casa.

Na Alemania tin e tradicion di regalo di 'porco' of e colocacion di cinco blachi di laurel na Inglatera, un na cada skina di e cusinchi y otro memey pa purba di atrae e futuro casa. Segun datonan di Google, na Spaña un persona a gasta aproximadamente 71 euro e dia aki, superando e cifra di Alemania, Suisa of Finlandia.

Na Latino America como Peru ta un customer regala chuculati cu a wordo haci especificamente pa e dia aki, ademas entre e regalonan mas solicita ta e flornan 'orkidia', original di e flora Peruano of un poesia di algun di su grandi escritornan.

Pero e fecha ta cambia, na Colombia por ehemplo ta wordo celebra e di tercer diasabra di september conoci for di algun añanan e Dia di Novio, na unda ta haci e "amigo secreto."

Asina tambe tin hende cu ta lubida y ta haci e comprasnan na ultimo ora, un 80% di e personanan ta dicidi di cumpra e regalo den e siman prome cu e dia na unda e productonan mas regala ta perfume, joyanan of chuculati, segun e buscador a destaca na Spaña.

Di otro banda, tin paisnan como Pakistan na unda San Valentin a wordo celebra te aña 2016, tabata e ex-presidente Mamnoon Hussain esun encarga di pidi na e ciudadanonan di evita conmemora e dia aki ya cu "no tin conexion cu nan cultura" y un aña despues na 2017, a crea un decreto pa elimina cualkier referencia na e Dia di San Valentin den espacionan publico.

Na 2005 na Malasia consejo gubernamental di e pais cu ta interpreta e ley Islamico (Fatwa Council) a declara e Dia di San Valentin como "poco etico" pa e Islam ora ta contene "elementonan di e cristianismo." E prohibicion ta sigui vigente te ainda manera National Geographic ta señala.

E parti bon ta cu nos ta na Aruba na unda nos por conmemora e fecha aki cu nos amigonan, mayornan, casa, yiu of pareha compartiando cu nan tur amor y cariño cu nan ta merece, y a bo? Kico bo ta bay haci awe pa celebra Dia di San Valentin?



Advertorial

A cera acuerdo cu Grupo Exito di Colombia

Super Do It Center lo ofrece mas producto na prijs competitivo

Do It Center ta cla pa un reto nobo cu lo ofrece su clientenan y comunidad di Aruba en general un variedad di producto. Exito y Do It Center Aruba a cera un acuerdo di alianza strategico!

Frans Ponson, gerente di Do It Center, a duna di conoce cu e acuerdo aki ta algo grandi y sigur algo nobo pa Do It Center. Tur hende por corda cu e compania a inicia como General Store pues un compania chikito. Sinembargo, famia Ponson a keda inverti durante e añanan y cera acuerdo grandi cu Do It Center.

Despues nan a bira e prome Super Do It Center mirando cu a inclui producto di cuminda y alimento den e negoshi. Awo nan a firma cu un grupo grandi, Exito na Colombia, cu ta forma parti di e grupo Casino di Francia. E acuerdo aki lo permiti Do It Center yega na diferente producto rond di Latino America na un prijs mas economico. Ademá, Frans Ponson a comenta cu, lo por tin un contacto directo cu e fabrica en caso cu kier laga traha un producto specifico pa Aruba.

Esaki ta haci cu Super Do It Center ta alcanza un posicion mas grandi ofreciendo mas opcion y posibilidad pa e pueblo di Aruba.

Laurent Guy Zecri, Corporate Manager of Strategic Alliances di Grupo Exito a splica cu e compania ta un empresa Colombiano cu financiamiento Frances y cu actualmente nan ta e grupo

di retail mas grandi na Colombia y cu ta duna trabou na alrededor di 37 mil persona. Pa Aruba e acuerdo aki ta importante pasobra e lo duna nos acceso na un mercado nobo mirando cu Aruba ta cumpra for di Merca of Europa. E capacidad di produccion ta hopi mas barata, esaki lo por yuda cu e inflacion.

Na Exito bo por haya tur cos cu bo mester, desde cuminda, paña, alcohol, tecnologia, productonan di beyesa y mascota. Ademá di esaki por haya producto pa cas tambe.

A funda Exito na año 1949 y awendia ta mancha 2606 tienda tur rond di Colombia, Uruguay y Argentina. Nan ta emplea riba 40.000 empleado.

Eric Ponson a start su historia comercial na Aruba hopi año pasa como trahado na General Store, un compania cu ta existi pa mas di 90 año caba. Na dado momento el a cumpra e negoshi di articulonon electrico over. Na año 2010 a habri e prome Do It Center na Camacuri, conoci como un marca internacional un Hardware Store mientras cu na año 2017 a crea Super Do It Center, e prome na mundo, cu ta combina un hardware store y un supermercado. E negoshi, cu awendia ta emplea riba 200 trahado, lo sigui den e mesun concepto, solamente cu ta añadi e lineanan di producto Exito den nan variedad cu ta ofrece clientenan. Famia Ponson ta convenci cu asina lo por ofrece mas y miho producto na un prijs mas competitivo.



EXECUTORIALE VERKOOP (AUCTION)

Executieveiling in opdracht van de hypotheekverstrekker;
openbare verkoop krachtens artikel 3:268 van het Burgerlijk Wetboek van
Aruba van de volgende onroerende zaken:

DE VUYST 75-A

het recht van erfpacht tot 07-12-2065 op een perceel domeingrond
gelegen te San Nicolas in Aruba, 207m², meetbrief nummer 17
de dato 21-05-2003.

Inzetprijs: Afl. 96.000,00;
Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning.

De openbare veiling vindt plaats op 1 maart 2023, om 10:00 uur ten
overstaan van notaris mr. C.M.A. Helmeyer, notaris in Aruba, in de auditorium
van de Kamer van Koophandel en Nijverheid aan de J.E. Irausquin Boulevard
10 in Aruba.

Let op:

In het geval onderhandse bieding (nog) mogelijk is, kunnen potentiële kopers
hun bieding(en) uitbrengen door het invullen van een door notariskantoor
Helmeyer opgesteld biedformulier, met overlegging van een bankgarantie en
geldig identiteitsbewijs. De bieding dient uiterlijk 14 dagen vóór datum van
openbare veiling, schriftelijk en onvoorwaardelijk te worden ingeleverd op het
kantoor van Notaris Helmeyer.

De veilingvoorwaarden zullen uiterlijk 8 dagen voor de verkoopdatum
beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11 - 13

Tel: 280-2020 | WhatsApp 699-2820

veiling@notarishelmeyer.com / auction@notarishelmeyer.com

www.notarishelmeyer.com

FOR ALL YOUR FLYER DISTRIBUTIONS



Call: 582-7800
email: accounting@cspnv.com

Twitter su plan di cobra pa hermentnan crucial ta causa furor

(NLTimes) – Despues di e terremoto devastador na Turkia y Siria, miles di desaroyador pa programacion di boluntarionan ta usando un herment crucial di Twitter pa usa e plataforma como un caminda pa busca personanan cu ta pidi ayudo, incluyendo di personanan cu ta trapa bao edificionan cu ta collapse y/of conecta personanan cu organisacionnan di rescate.

Pronto nan lo por perde acceso na e hermentnan aki al menos cu nan paga e tarifa mensual di por lo menos 100 dollar, cual ta dificil pa varios presupuesto di boluntarionan y organisacionnan sin fin di lucro. “Esaki no ta solamente pa esfuersonan di rescate cual desafortunadamente ta yegando su fin, sino tambe pa

plan di logistica mirando cu hopi hende ta usa Twitter pa publica y expresa nan necesidadnan ademas di busca ayudo pa esaki,” segun Sedat Kapanoglu, fundador di Eksi Sozluk, Turkia su plataforma social mas popular, ken tin hopi tempo ta conseha boluntarionan den nan esfuerso.

E agencianan aki, investigadornan y otronan tin necesidad di e herment conoci como API of Application Programming Interface, pa analisa Twitter su data pa motibo cu solamente e informacion ta haci imposibel pa un ser humano revisa tur e informacion aki na man.

Kapanoglu a bisa cu centenares di “bon samaritano” tin tempo ta duna nan mesun yabanan di acceso di API pa uso den e esfuersonan aki.

Sinembargo e ta bisa cu esaki no ta sostenibel ni tampoco ta e “manera corecto” pa haci esaki. Tambe posiblemente esaki ta contra di e reglanan di Twitter.

E perdida na acceso di API ta nifica un desafio agrega na e miles di desaroyadornan na Turkia y otro luganan cu ta trahando henter dia pa haci uso di Twitter su ecosistema unico y habri pa alivio den e desaster aki.

E tarifanan nobo ta marca e complicacion mas recien pa programadornan, studiantenan y otronan purbando di haci uso di API y nan ta bisa cu comunica cu cuakier persona den e compania a bira practicamente imposibel desde cu Musk a dreña den mando.



Twitter originalmente tabatin plan di introduci e cambionan siman pasa, sinembargo a atrasa esaki te cu dialuna. Riba dialuna, e compania a publica cu nan lo atrasa e lansamento un biaha mas “cu algun dia” sin duna aplicacion di e motibo tras e decision aki.

E tarifanan pa uso di API ta parti di Musk su intentonan mas recien di crea ganashi for di Twitter, cual ta riba debe di por lo menos 1 biyon dollar pa e pagonan di interes anual for di e biyonario su adkision cu a ser completa den october.

Aumento masivo den uso di programacion di stalker pa monitor yiunan

(NLTimes) - Miles di persona a monitor nan yiu, ex pareha of otro persona cu un programacion crea pa stalk, yama ‘stalkerware’ aña pasa segun loke e programa di consumidor Kasas a reporta.

Sinembargo, pa hopi esaki ta representa un invasion masivo di privacidad mirando cu esaki ta duna e usuarianan di e programa acceso completo na e dispositivo di e persona den nan mesun hogar of fuera di esaki. Mayoria biaha, e programa ta ser usa como



un programacion pa controla dispositivo di yiunan. Esaki ta crea un gran menasa na e muchanan su seguridad.

Esaki por keda enfatisa pa e 4 companianan di seguridad mas grandi den e pais manera Bitdefender, Avast, Eset y Kaspersky. Esaki ta pa motibo

cu casi tur compania di seguridad por a mira un aumento den deteccion di ‘stalkerware’ den añanan recien. Especialmente durante e pandemia di coronavirus e uso a aumenta.

Bitdefender so a detecta 2657 dispositivo infecta, cual ta un aumento di 260 por ciento compara cu 2021. Avast tambe a mira e cantidad di deteccion aumenta dobel compara cu 2021. Solamente na Kaspersky e deteccionnan a keda mas o menos mescos, e NPO 2 programa pa consumidor a reporta. Sinembargo

go e cantidad cu no a ser reporta ta hopi mas haltu ainda, mirando cu mayoria usuario no tin un scanner antivirus instala den nan smartphone.

Segun e experto di seguridad cibernetico den violencia domestico SafetyNed, mas y mas persona ta haciendo uso di e programacionnan aki pa mantene bista riba nan ex pareha. E organizacion ta haci yamado na proteccionnan pa sigura cu victimanan di violencia domestico no tin un di e programanan aki instala fuera di nan conocimiento.

72 por ciento di residente di Hulanda ta preocupa cu tempo extremo

(NLTimes) – Casi 72 por ciento di residentenan di Hulanda ta preocupa tocante e consecuencianan di e tempo extremo pero menos di 48 por ciento ta prepara pa esaki. Agencia di investigacion Citisens a yega e conclusion aki den un estudio pa Union of Water Boards prome cu e eleccion di hunta di awa proximo luna.

Di esunnan cu a tuma precaucion contra e temponan extremo, mayoria a agrega mas naturalesa na nan hardin pa prepara pa yobida fuerte of segura. Algun tambe a instala un dak mas adecua y algun tin saconan di santo of a prepara nan cas pa inundacion.

Ocho den cada 10 residente Hulandes ta kere cu riesgonan di inundacion mester determina unda e casnan lo ser construi den futuro. E huntanan di awa aki ta hunga un rol den e decisionnan aki segun e Union. E huntanan aki ta responsabel tambe pa tratamiento di rooi y purifica awa di e residentenan di Hulanda. 80 por ciento di residentenan di Hulanda mester ta mas consciente di loke nan ta flush of benta den e baki di laba man. Un den cada 10 mester inverti den mas purificacion di awa.

Mayoria residente di Hulanda a bisa cu e huntanan di awa ta haci e trabao esencial, sinembargo 47 por ciento no ta familiar cu e hunta di awa

den e area. Tambe casi tur a bisa cu nan preocupacion pa cu e tempo extremo no ta influencia si nan ta vota den e eleccion di hunta di awa of no. E hunta di awa su eleccion lo tuma luga dia 15 di maart,

y na mesun momento e eleccion di e Consehonan di Provincia, cual eventualmente ta determina e composicion di e Senado Hulandes.

Segun Rogier van der Sande,

e presidente di e Union di Hunta di Awa, e ta importante pa residentenan di Hulanda por familiarisa nan mes cu e huntanan di awa prome cu nan vota den e eleccion.



Renobacion di cancha di basketball di Village a inicia prome siman di februari



Dialuna ultimo, durante conferencia di prensa di Gobierno di Aruba, Minister Endy Croes a elabora riba e renobacion di e cancha di basketball na Village.

E trabaonan ta tumando luga aunke den tempo dificil. E cancha di basketball ta wordo uza pa e muchanan di e bario. Ultimo biaha cu e cancha di basketball a wordo renoba tabata na aña 2009, lamentablemente durante 13 aña e cancha no a haya atencion.

Minister Endy Croes a indica cu bishita e bario y papiando cu hendenan den bario a sinti cu e ta un gran necesidad pa renoba e cancha di basketball cu a bira practicamente un ruina. Durante e prome siman di februari a cuminsa cu e renobacion. Lo bin heki nobo, e vloer ta wordo completamente drecha haci ful moderno, hutnan rond lo wordo drecha, lo pone luznan LED cu ta traha cu sistema solar pa por garantiza cu tin suficiente iluminacion.

Asina brinda mucha y hobennan di e bario e oportunidad pa por practica deporte y keda activo.

Futbolista di Juventus, Mohamed Ihattaren aresta na Amsterdam pa ataca su ex-pareha



(NLTimes) – A hiba futbolista di Juventus, Mohamed Ihattaren den custodia di polis na Amsterdam pa motibo di acusacionnan cu el a ataca su ex-pareha dia-domingo, segun fuentenan cercano na e investigacion a bisa De Telegraaf.

Noticiero NOS tambe a confirma cu e centrocampista, kende a cumpli 21 aña riba dia-domingo, a keda deteni pa un incidente domestico no especifica.

E noticiero a bisa cu polis a lista cas di e homber na Vleuten pa alrededor di 11:30am. El a keda den custodia y tabata spera cu lo interrog'e den atardi.

Ambos medio di comunicacion a bisa cu e aresto no tabata conecta cu un incidente na

november tempo cu a trece Ihattaren den custodia pa a haci menasa. Na september, e Porche di 177mil euro di e futbolista a pega na candela na Utrecht, den un caso sospecha di ta candela intencional. Su famia tabata enfrentando menasa pa varios luna, y auto di su ruman homber tambe a bira victima di candela.

E distraccion y e problema di seguridad a resulta den Ihattaren kedando ausente durante training camp di summer di Ajax. Ihattaren tabata hungando cu e club na Amsterdam riba prestamo for di Juventus. Na october, Ajax a bisa cu no ta bay haci uso di su opcion pa compra contract di Ihattaren for di Juventus. E club Italiano a contrat'e pa cuatro aña na summer di 2021.

University of South Carolina cu curso di Sports Management



Dialuna mainta, Minister Endy Croes a anuncia cu despues di diferente reunion entre Ministerio di Deporte, Universidad di Aruba y University of South Carolina a inicia cu un curso di Sports Management dia 31 di januari 2023.

E curso aki lo wordo duna door di University of South Carolina pa 2 profesor, esta dr. Andy Gillentine y dr. Stephen L. Shapiro cu actualmente ta na Aruba. Nan ta experto ariba e.o. College of Hospitality, Retail and Sport Management. Minister Endy Croes a expresa cu e ta contento cu varios persona a inscribi pa e curso aki di cuater (4) siman, incluyendo personanan cu ta forma parti di su Ministerio.

Momento cu finalisa e curso, e participantenan ta ricibi nan certificado di Sports Management. Banda di esaki, Universidad di Aruba y University of South Carolina ta planificando pa inicia den e luna di juli of augustus di aña

2023 cu un estudio di un aña di Master den Sports Management.

Tambe Universidad di Aruba ta preparando cuater investigacion riba e tema di deporte.

E investigacion aki ta bay den diferente parti:

1. Evalua e balor cu deporte tin pa e localnan den comunidad di Aruba;
2. Inventarisacion y evaluacion di tur e facilidatnan deportivo na Aruba, cual ta e.o. tennis, basket, volley, cancha y Sport Hall;
3. Evalua posibilidad pa torneo di hoben (youth) den diferente deporte tuma luga na Aruba;
4. Evalua deportenan cu por engrandece sport tourism na Aruba.

Pues, tin investigacion cu ta den fase preparatorio pa cuminsa e aña aki. A base di e data cu colecta pa medio di investigacion, ta tuma decision di e direccion cu mester tuma y asina sigui contribui na e desaroyo di deporte na Aruba.



CAMPEONATO NACIONAL DI DAM

Federacion di Dam Arubano conhuntamente cu Club di Dam Arowak ta organisa:

Evento: Campeonato abierto pa:
Campeon di dam di Aruba.

Sistema: Round robin.

Fecha: Diaranson, dia 15 di februari 2023 y despues tur diaranson te ora cu e round robin caba.

Ora: 7:00 or' p.m.

Lugar: Sun Plaza, L.G. Smith Blvd 160, local 401-L. Di 4° piso, sali for di lift bay links.

Participacion: Tur persona cu ta residencia na Aruba legalmente pa 1 aña of mas.

Contribucion: Miembro: ta inclui den nan contribucion na Club di Dam Arowak
No miembro: fl. 35,00

Inscripcion: Diaranson dia 15 di februari 2023 promer cu competencia cuminsa.

Informacion: 594-5590 Octavio 699-8245 Mario
592-6391 Ricardo 593-6817 Rolin

Bista Politico ta un seccion di Bon Dia Aruba specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di Bon Dia Aruba y ta pa responsabilidad exclusivo di e organisacion/individuo cu ta ofrece esaki pa publicacion. Bon Dia Aruba ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di Bon Dia Aruba.

BISTA POLITICO

Lider di Curpa, Eric Ras

Parlamentario Berlis y su partido a bandona e principionan di nos fe cristian

John F. Kennedy a yega di bisa no mira kico bo pais por haci pa bo sino mira kico abo haci pa bo pais. Parlamentario Berlis a expresa cu polis mester a haci su trabao dia cu su gobierno a permiti un crucero cu 5000 pasahero bin exhibi nan locura. Bo mester sa ken bo ta invita na bo cas. E gobierno cu abo Berlis ta sostene nunca a worry cu nos Cuerpo Policial y awor bo kier bin bisa cu polis no a haci su trabao.



Sr. Berlis no bin blame nos polisnan pa no a haci su trabao, blame bo gobierno cu pa na 4 ocasion no tabata tin opleiding di polis. P'esey awe tin scarsedad di casi 300 polis. Bo gobierno a permiti e crucero bin Aruba, kizas cu e meta pa pueblo adapta na e lifestyle cu bo gobierno kier pa pueblo custuma y cu bo no kier papia di dje. Mi conseho na bo Sr. Berlis ta pa bo haci bo trabao como parlamentario y stop di ta jaknikker. Si bo persona no por saca un man yuda polis e ora

ey no papia mes con polisnan lo mester haci su trabao sino enfoca con lo bo mester haci esun di bo. Bo persona no ta funciona como parlamentario y no tin curashi pa sali na defensa di nos pueblo. Stop di sconde tras di firmanan encunto e ley di matrimonio di mesun sexo paso e mama di amienda 7 ta partido mep. Unda bo moral como parlamentario a keda y ainda bo ta forma parti di un partido immoral.

Nos scolnan ta na werki, edificio di ambtenaarnan ta na werki, KIA ta na werki, nos camindanan ta na werki, nos

salubridad ta na werki, Serlimar ta na werki, salud mental ta na werki, Arubahuis na werki, Arubus na werki, Post Aruba na werki, Bubalipias na werki, Warda di Polis Oranjestad na werki, refinaria na werki, edificionan di gobierno na werki paso e gobierno cu bo ta sostene ta na werki. Unico cos cu bo gobierno a haci den 5 aña ta malgasta placa di pueblo y haci pueblo mas pover cu tur e medidanan cu bo gobierno ta suta pueblo cune. Bo no tabata tin e curashi pa para pa pueblo paso malgastamento di placa den Fase, loonsubsidie, vacunagate tur boso ta tapa pa pueblo no haya sa e berdad. Universidad di kico partido mep ta!

E 17 puntonan di e metanan di desaroyo sostenibel cu mester ta implementa pa 2030 tin tur cos aden cu ta bay contra e libertad di nos pueblo. E agenda 2030 ta un agenda comunista cu gobierno di mep ta forma parti di dje. P'esey no por spera ningun cambio den e gobierno aki. Acuerdonan cu nan mester cumpli

cune y un agenda diabolico ta contra e nucleo familiar. Sr. Berlis bo a bandona bo principio pa bo propio bienestar y ta lubida tur hende. Nos por a lesa cu ta ataca partidonan raiz, mas y accion21 pa e concepto di ley di matrimonio di mesun sexo. Pakico ta laga partidonan mep y avp afo? E 3 partidonan ey hunto no por pasa e ley ey nan so paso nan no tin mayoria. Pa e ley wordo aproba e 5 parlamentarianan ey mester di minimo 6 mas cu ta sostene e ley aki y nos tur sa cu tin por lo menos 10 mas cu ta di acuerdo cu e ley.

Nos por a scucha tanto parlamentarianan di mep y avp bisa cu nan no ta contra. Si e geregistreerd partnerschap a wordo aproba dia 1 maart 2021 cu 17 parlamentario a vota na favor anto ta si spera cu e situacion no lo cambia. Dia 8 di September 2016 11 parlamentario di tanto partido mep y avp a vota na favor di amienda 7. Democracia Real tabata un partido di 1 asiento. Aki nan a traha e fundeshi pa awe por sigui construi. Nos

di partido Curpa tanto den eleccion di 2017 y 2021 a spierta pueblo riba e tema aki. Pueblo ta kere cu despues di 7 aña e gobierno di mep lo bay hala atras? For di 2016 pa awe den 2023 partido mep a cambia di opinion? Den eleccion di 2017 partido mep a gaña pueblo pa despues den 2021 claba e puñal den lomba di pueblo. Den e proximo eleccion partido mep lo bolbe gaña pueblo pa voto pero si partido mep sigui den gobierno lo no tin cambio.

E unico manera pa e ley aki no pasa ta si gobierno bay cas. E speranza di e pueblo Cristian ta partido Curpa paso partido Curpa den gobierno lo para e ley aki y pone e famia na prome lugar paso nos ta desea di mira prosperidad di nos pueblo. Partido Curpa ta e unico partido cu a para pa e palabra di Dios y Dios su palabra no ta negociabel. Partido Curpa ta e instrumento di Dios pa sana e tera di Aruba y hunto nos reforma nos isla pa mira e cambio riba nos isla.

Minister Dangui Oduber (MEP)

E siman tras di lomba tabata uno hopi productivo pa ministerio di Turismo y Salud Publico

Manera ta custumber tur comienso di siman Minister di Turismo y Salud Publico sr. Dangui Oduber ta repasa locual a sosode e siman anterior den su ministerio.

Den e siman tras di lomba Minister Oduber a haya invitacion un recorrido riba un di e barco crucero di Carnival Cruise Lines. Tambe e mandatario a duna un discurso na e ceremonia di inauguracion di e oficina di "kwaliteitszorg Instituut". Diahuebs e mandatario a reuni cu College Aruba financieel toezicht (CAft) caminda a ser conoci cu e voorzitter nobo Sra. Ongering.

Carnival Cruise Lines

Diamars riba invitacion di e ehecutivonan di e linea crucero cu a bin Aruba specialmente pa duna e delegacion di Aruba un bista con nan ta maneha nan desperdicio abordo. Manera ta conoci Minister Oduber ta hiba un maneho dirigi riba un turismo sostenibel y duradero pero semper teniendo na cuenta cu nos medio ambiente. Esaki sigur ta algo cu tur e lineanan cruceronan ta na altura di dje. Pa es motibo nan a demostra e delegacion di Aruba con nan maneho di desperdicio ta funciona.

Inauguracion di Oficina di Kwaliteitszorg Instituut E meta di e instituto aki ta pa mehora e calidad di cuida na

Aruba, pero tambe pa ofrece mas eficiencia y resultado pa tur ciudadano. E instituto aki ta un instituto na prome lugar, di control di calidad di cuida, pero tambe cu e meta pa mehora coordinacion, comunicacion y acuerdonan pa locual ta trata cuida medico. Ta importante pa enfatisa cu e esaki lo wordo hasi den cooperacion cu tur e paisnan den Reino, pa asina por tin igualdad y nivel di calidad den e sector di salubridad simultaneamente pa tur pais den Reino Hulandes. Minister Oduber a indica cu e instituto aki mester bira un organo idependiente di Departamento di Salud Publico y cu esaki nos ta un stap mas pa logra esaki.



CAft
Durante e reunion fructifero aki, CAft a keda impresiona di e plannan cu Ministerio tin pa mitiga y hasi e fondonan di AZV uno sostenibel pa futuro. Temanan cu Minister Oduber a amplia ariba dje tawata e desaroyo positivo pa

cu Aruba su economia cual tin un efecto positivo ariba e fondonan di AZV. Tambe a papia over di reenforza e eerstelijnszorg, intensifica e cooperacion entre HOH y ImSan y e diferente plannan di accion formula den nos roadmap den cuadro di Landspakket.

Bista Politico ta un seccion di **Bon Dia Aruba** specialmente pa brinda oportunidad na tanto partido politico como politico individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

BISTA POLITICO

Miguel Mansur (ACCION 21):

Sectanan cristian cu atake riba nos democracia

Nos lucha victorioso pa Status Aparte a culmina den un Constitucion di Aruba cu ta e fundeshi di nos pais, e nacion Arubano. Diabierna ultimo a sosode algo lamentabel dilanti bestuurskantoor caminda un grupo di lidernan di sectanan Cristian a purba ocasiona un atentado contra nos Democracia.

E tres pilarnan di cualkier democracia moderno ta:
Trias politico: separacion di podernan ehecutivo (Gobierno), legislativo (Parlamento) y hudicial (Corte).
Estado di derecho;
Separacion di misa y estado.

Articulo 1 di nos Constitucion cu ta regarda derechonan fundamental ta prohibi discriminacion pa motibo di religion, ideologia, afiliacion politico, rasa, sexo, color, lenguahe, origen nacional o social, pertenencia na un minoria nacional, pod-



er economico, nacemento of pa cualkier otro motibo. Netamente e mesun articulo cu ta salvaguardia libertad di creencia ta garantisa minorianan sexual pa wordo trata igual den casonan igual incluyendo matrimonio civil. Especificamente Articulo 1 di nos Constitucion ta e base riba cual HOF a dicta na favor di Fundacion Orguyo habriendo matrimonio pa parchanan di mesun sexo.

Diabierna ultimo di forma oportunista tres lider di sectanan Cristian a congrega pafor di bestuurskantoor pa fomenta odio y division den nos pueblo. Nan a purba usa

comportacion di mal gusto pa algun bishitante pa marginalisa mas ainda un comunidad vulnerabel y impone nan balornan religioso riba henter nos pueblo sin respet ningun pa nos Constitucion, estado di derecho y separacion di misa y estado.

E actonan condenabel a bay asina leu cu un di e lidernan di secta Cristian den conferencia di prensa a MENASA miembronan di Parlamento. Ta completamente inaceptabel cu un lider di cualkier fe ta menasa representantenan eligi di pueblo y asina purba subordina nos democracia na favor di nan tirania teologico.

Purba destrui dos di e pilarnan di nos democracia y hiba nos pais bek den tempo pa middeleeuwen no por wordo permiti.

Nos a spera liderazgo di parti nos gobierno pero desafortunadamente esey no ta loke nos a mira. E mesun actornan cu a organisa e atentado contra nos democracia y menasa nos representantenan eligi a ser ricibi pa Prome Minister sin mas. Esnan huramenta pa defende nos Constitucion, nos estado di derecho, separacion di misa y estado a sucumbi na e forsan di odio y division cu kier viola balornan Arubano di biba y laga biba.

Lidernan di secta stranhero cu kier bin fomenta odio y division den nos pueblo y destrui e fundeshi constitucional di nos pais mester wordo declara persona non-grata, nan permiso revoca y deporta bek pa nan pais sin mas. Nos leyman cu ta prohibi discrimi-

nacion mester wordo aplica pa salvaguardia e harmonia di nos pueblo y nos paz. Organisacionnan religioso cu kier mete den politica mester cuminsa paga belasting. Gruponan religioso cu kier cherece poder politico tin tur derecho pa forma un partido gana eleccion y despues habri nan boca. E pagado di belasting Arubano cu ta contribui mas cu un miyon florin pa aña na subsidio pa e misanan mester haya e escogencia si su placa ta bay pa misanan of no.

Nos partido lo sigui defende Constitucion di pais Aruba pa salvaguardia bienestar di nos pueblo y e nacion Arubano. Nos representante eligi lo sigui duna balor real y nunca desvia di su huramentacion:

“...dat ik de Staatsregeling van Aruba steeds zal helpen onderhouden en het welzijn van Aruba naar mijn vermogen zal voorstaan. Zo waarlijk helpe mij God Almachtig.”

Parlamentario Marco Berlis (MEP):

Si bo no ta opina manera Miguel Mansur, bo no tin derecho di opina – Part 1

Mi por a tuma nota di un articulo cu a sali den prensa diadomingo 12 di februari, den cual Mansur ta formula acusacionnan sin base, y ta condena lidernan religioso di kier destrui democracia y hopi cos mas.

Awe mi ta bay trece un analisis di su ponencianan falso, cual el a comparti riba Facebook y den un articulo den prensa. Mi por a ripara cu el a traha e articulo aki den panico y desesperacion, mirando cu e contenido ta demonstra ignorancia di nos constitucion, falta di conocimiento con esaki ta hinca den otro y su interpretacion corecto. Riba dje e ta demonstra den e articulo cu e ta un persona cu ta discrimina cabalmente, y ta mi intencion pa expone na pueblo e arrogancia di Mansur ora cu bo no ta opina manera e.

Mansur: lidernan di secta



Cristian den conferencia di prensa a MENASA miembronan di Parlamento... Scuchando e pastooran, na ningun momento a menasa miembronan di Parlamento. Simplemente e vocifera cu nan a observa e tres partidonan cu a dicidi di sostene y inicia e ley aki. Cu pastooran lo urgi tur Cristian pa NO vota pa nan. Esey no ta un menasa Mansur, esey ta un derecho. E pastoor tambe a subraya cu pueblo a pone Parlamentarionan riba e stoel y asina por kita nan di eynan

tambe door di NO vota mas pa nan. Esey a haci dolor? Esey ta derecho di pueblo, dunador di trabao di parlamentarionan. Pueblo ta pone, pueblo ta kita! Bin bij, Esey ta democracia Sr. Mansur!

E derecho di expresa bo opinion libremente ta ancraden nos constitucion y tambe esun di practica bo religion. Expresa esaki y kier un Aruba sigui biba den cierto norma y balornan ta e derecho di cada ciudadano. Esey ta un derecho basico cu aparentemente

no ta duidelijk ni tolerabel pa Sr. Mansur ora no ta cumbini e. E ta bisa di esaki; cu e opinion di lidernan religioso kier subordina nos democracia y hiba nos pais bek den tempo “primitivo” y esaki no por wordo permiti. Ken kier subordina democracia? Lidernan cu a comporta di un forma respetuoso, cu abo kier lastra cu mentira bisando nan kier kibra nos democracia? Fuera di mentiroso bo kier ta dictatorial tambe Sr. Mansur. Pero bo intolerancia na esnan cu ta opina diferente cu bo, no ta desconoci. Ora eleccion a caba, bo a “fire” tres candidato, hasta bo number dos, pasobra nan ta pensa diferente cu bo. Bo style dictatorial y manipulativo por yuda bo den bo partido pero no den e democracia di Aruba!

Mansur den su articulo ta discrimina y ta condena stranheronan Cristian. Segun Mansur mester considera

lidernan Cristian stranhero como non-grata, cu nan permiso mester wordo revoca y deporta pa nan pais! Ki arrogancia, orguyo y actitud mas dictatorial Mansur ta expresa aki! Prome discriminando stranheronan y expulsando nan pasobra segun e, nan ta destrui democracia cu nan opinion cu ta contrario na esun di dje! Imagina bo un persona manera Mansur den gobierno! Pueblo habri bo wowo y wak Mansur pa loke e ta. Un homber cu un agenda, cu no a biba na e pais aki, cu no ta import’e e balor, tradicion y cultura di nos pais. Un homber cu kier bulldoze cu su ley sin respecta expresion liber di pueblo. Un derecho fundamental di nos democracia! Si bo no gusta, deportacion ta ward abo! Esaki ta bo reresentante pueblo? Esaki ta ken ta traha pa Aruba?

Minister Xiomara Maduro ta presenta otro programa informativo di UNESCO Aruba

Pa duna un bista con cu yudansa di diferente 'stakeholders' ta implementa e proyectonan di UNESCO

Minister Maduro ta informa cu UNESCO Aruba a conmemora na november aña pasa, 35 aña cu Aruba a bira miembro asocia di UNESCO. E organizacion supra-nacional aki ta yuda paisnan adopta y contextualisa normanan internacional y ta traha programanan pa fomenta ideanan y intercambio di conocimiento rond mundo. E mandatario ta presenta e di dos programa informativo di UNESCO Aruba pa duna un bista con ta implementa e programanan di UNESCO.





Den e programa aki e Secretaris-Generaal di Comision Nacional pa UNESCO na Aruba, Sra. Marushka Tromp lo splica un poco mas con UNESCO Aruba ta ehecuta

e programanan di UNESCO en cooperacion cu diferente ‘stakeholders’. Tambe a invita algun stakeholders riba diferente area pa comparti nan experiencia den e programa.

Juffrouw Maureen Roa a conta nos di e proyectonan di Prinses Amaliaschool (un scol cu ta miembro di e red di scolnan di UNESCO), Sr. Marck Oduber a comparti su experiencia riba tereno di 'Ocean Science', Sr. Patrick Werleman di Comision Olimpico Aruba a papia tocante di e ehecucion di e convenio di 'Anti Doping', Sr. Pancho Geerman di Museo Arkeologico Nacional Aruba a elabora riba e herencia subacuatico cu tambe ta un convenio di UNESCO cu lo wordo ratifica den reino.

Tambe Sra. Birgit Kreykenboon y Sra. Christie Mettes a duna dos ehempel di e proyecto cu a haya financiamiento den cuadro di e 'Participation Program' 'media pressure cooker' y e investigacion riba e topico di 'Ocean Science' 'Metabolic Foundation'.

E dignatario ta gradici tur persona involvi cu a brinda informacion den e programa aki y ta informa cu e programa aki ta bay ta transmiti awe dia 14 di februari pa 8'or di anochi na Diario TV.

<div> <div> <div>Resultado Sorteo</div> <div>februari 13, 2023</div> </div> <div>  </div> </div>		<div>Cadena Alexander Lottery ta presenta resultado di weganan di suerte</div>	
<div> <div>DIARIO</div> <div>2859</div> <div>2490</div> <div>0261</div> </div>		<div> <div>KORSOU</div> <div>6177</div> <div>8166</div> <div>6018</div> </div>	
<div> <div>SUPER4</div> <div>5687</div> <div>SUPER5</div> <div>-</div> </div>		<div> <div>FLAMINGO</div> <div>5888</div> <div>3778</div> <div>4284</div> </div>	
<div>MERDIA</div>		<div>ANOCHI</div>	
<div> <div>CATACHI</div> <div>Sorteo # 3827</div> <div>2623</div> <div>2241</div> <div>1997</div> <div>MULTI-X</div> <div>X5</div> <div>BIG 4</div> <div>Sorteo # 3827</div> <div>1134</div> <div>1OFF</div> <div>Sorteo # 1883</div> <div>2099</div> <div>ZODIAC</div> <div>Sorteo # 3827</div> <div>2797</div> <div>Libra</div> <div>LUCKY 3</div> <div>Sorteo # 701</div> <div>432</div> <div>MULTI-X</div> <div>X3</div> </div>		<div> <div>CATACHI</div> <div>Sorteo # 7868</div> <div>0684</div> <div>5907</div> <div>7016</div> <div>MULTI-X</div> <div>X2</div> <div>BIG 4</div> <div>Sorteo # 6912</div> <div>2003</div> <div>1OFF</div> <div>Sorteo # 1617</div> <div>7349</div> <div>ZODIAC</div> <div>Sorteo # 5671</div> <div>7068</div> <div>Leo</div> <div>LUCKY 3</div> <div>Sorteo # 601</div> <div>623</div> <div>MULTI-X</div> <div>X2</div> </div>	
<div> <div>LOTTO 5</div> <div>Sorteo #</div> <div>0 x Jackpot</div> <div>0 x Match 4+</div> <div>0 x match 4</div> <div>0 x Afl. 12,00</div> </div>		<div> <div>Joker</div> <div>Letter</div> <div>Proximo Jackpot</div> <div>400.000,-</div> </div>	
<div> <div>LOTTO DIA</div> <div>Sorteo # 6033</div> <div>0 x Jackpot</div> <div>11 x Match 4</div> <div>324 x Afl 8,00</div> </div>		<div> <div>01-05-08-15-16</div> <div>Proximo Jackpot</div> <div>150.000,-</div> </div>	
<div> <div>MEGA</div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl 50.00</div> <div>0 x Afl.15,00</div> </div>		<div> <div>Mega Ball:</div> <div>Proximo Jackpot</div> <div>270.000,-</div> </div>	
<div> <div>MEGA</div> <div>Afl. 370.000,-</div> </div>		<div> <div>MEGA</div> <div>MEGA PLUS</div> </div>	
<div> <div>KORSOU</div> <div>Sorteo #</div> </div>		<div>  </div>	

Hopi buki pa baby y mucha na biblioteca



**Biblioteca hubenil ta of-
rece muchanan na Aruba
un coleccion di buki pa
lesa y explora. Tin buki
pa mucha di tur edad y
hasta pa baby. Represent-
antanen di Biblionef na
Aruba, Sra. Carla van Ee-
rden y su colega Sandra
Postma a entrega un car-
gamento di buki pa baby
y mucha na Sra. Michelle
Thiel-Roos, hefe di Dept.
Catalogo.**

pa baby y tambe bukinan pa mucha di 6 pa 8 aña na Spaño. Un bunita coleccion cu biblioteca por fia su miembronan. Biblioteca ta gradici Biblionef pa trece e bukinan Aruba.

Biblionef ta un instancia cu ta traha rond mundo pa stimula lesamento y laga tur mucha experencia e goso di lesamento. Biblionef ta traha pa mucha cu no tin acceso facil na buki. Biblionef semper a traha hunto cu Biblioteca Nacional Aruba. Biblionef Aruba ta parti buki na scolnan na Aruba ya pa mas cu 20 aña.

Sra. Michelle Roos ta hopi contento cu buki nobo y a ricibi e coleccion cu man habri y un sonrisa riba su cara. Den cargo tin bukinan



Clasificado

ECONOMICO aviso@bondia.com

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@espnv.com

SERVICIO PUBLICO

Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
Tel. 593 3141

SERVICIO PUBLICO

Buscando auto pa huur y na bon
 prijs? yama nos
Tel. 593 9953/ 593 8453

TA BENDE

BBQ Grill tipo cilinder
 "criyoyo" duradero
 Prijs Afl.250
Tel. 569 7787

SERVICIO PUBLICO

Sushi den cura pa solamente
 50,- pa buelta, nos ta lante lague
 limpi mane un soño.
 Arubiano trahado
Call 592 5766

SERVICIO PUBLICO

Ta haci tur trabou di
 construccion y carpinteria y tur
 cos cu ta furamento di stul di
 bambu, cabana y toldos
Tel : 746 0518 / 569 7539

Sushi den cura?

Ta piki sushi cu pick-up
 grandi pa Afl 75,= pa buelta.
 Yama nos na
561 4297 of 561 5179
 Hasi Aruba Limpi.

TA BENDE

Caha di Orgel.
 Tin 3 cylinder NOBO.
 Pa mas informacion yama
Tel. 593 0203

SERVICIO PUBLICO

Mi ta cuida mucha " baby sister".
 Mi tin bon experiencia
 y bon cuido
Te. 562 5941

SERVICIO PUBLICO

Pa tur trabou di Plumbing
 (binnenleiding) pega w.c
 wasbak, tubo di gas, etc
 Yama Mario Franken
Tel. 740 6591

SERVICIO PUBLICO

Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
Tel : 569 7539 / 737 3993

AUTO Y HERO BIEU

Nos ta piki auto, aircu y bateria
 bieu pornada. Frigidaire, stoof,
 wasmachin, tv ta 10,=.
Yama 561 4597 / 561 5179
 Arubiano Balente

TA BENDE

Combo di regalo pa tur
 ocasion: Mugs, kerki di biña,
 tablashi cu leyenda
 Pa mas informacion
Cell whatsapp 567 2907

TABENDE

un matras nobo king size
 190 x190
 Fls.300
Tel.594 5556

SERVICIO PUBLICO

Sra. ta haci cas y negoshi limpi
 tambe por cuida baby y hende
 grandi part time y full time
Tel. 740 7573

SERVICIO PUBLICO

Hacemos todo tipo de construc-
 cion, reparacion de casas, pin-
 tura, acabados finos, jardines,
 patios, techos a buenos precios
Tel. 569 7539 / 746 0518

SERVICIO

Unified One Events
 Photos , films, wedding
Tel. 749 2533

SERVICIO PUBLICO

Ta traha y renoba Cas
 ta traha y drecha dak, ta basha
 vloer, pleister, verf cas, traha
 cura, pega mosaico y azulejo-
Tel.563 4168

SERVICIO PUBLICO

Nos ta haci trabou di
 plomeria, electricidad,
 hardineria incluye hiba sushi
 Handy man.
Tel.742 6250

SERVICIO PUBLICO

Mi ta chapi, lanta sushi, corta
 mata, transporta frigidaire, was-
 machine biew, drecha cas, etc.
Tel. 564 1979

SERVICIO PUBLICO

Pa haci trabow di verf y chapi,
 tur mantencion di pafor di cas
 Yama y puntra pa Benito na
Tel.630 5185

TA BUSCA

trabou pa haci cas limpi,
 negoshi of oficina
Tel.561 3910

SERVICIO PUBLICO

Handyman
 Pa trabouw di verfmento
 plumbing tuberia, chapi,
 limpieza di cura, drecha mata
Tel : 567 1108

TA BUSCA

Sra. entre 35 y 45 aña pa
 trabao di cas interna.
 Pa informacion yama
Tel. 582 3023 / 593 8120

SERVICIO PUBLICO

Limpieza pa cas y auto
 Presure wash cura di cas
 Laba muebles
 Laba tapijt
 Laba sienta di auto
 Laba vloer
Tel. 593 9464

SERVICIO PUBLICO

Pa trabou di data-entry of
 update di bo administracion pls
 contact:
Tel.5682339

SERVICIO PUBLICO

Mi ta ofrece servicio di
 electricista en general corto
 circuito y mantencion
Tel.566 5026

TA HUUR

Un camber cu tur cos inclui na
 Brikstraat 1
Tel.564 1979

SERVICIO PUBLICO

Masaje relajante, sports ma-
 sages, aroma terapia, piedras
 calientes, reflexologia, faciales
 Sabana Basora # 157 P.Ch.
Tel. 561 8520

SERVICIO PUBLICO

Mi ta ofrece pa cuido di mucha
 di dialuna pa diabierna y
 weekend. Pa informacion
Tel. 558 7310

SERVICIO PUBLICO

Nos ta chapi, corta y planta
 mata, brinda tur servicio cu bo
 cura mester. Tira sushi afo, tur
 esaki na un super bon prijs
Tel. 738 1908

SERVIO PUBLICO

Ta ofrece pa verf y chapi cura
 bon prijs. Nos ta hiba e sushi.
 Yama pa mas informacion na
563 4828 / 5679610

TA HUUR

1 Kamer, independiente cu baño
 y cushina. Muebla, Awa, Cable y
 Coriente inclui.
 500 Florin pa Luna & 100 Florin
 Borg. Pos Chiquito, pega cu Santa
 Famia School.
 Contact via wtzapp 7447717 - Lis



Cas Di Cultura

Vondellaan 2 Aruba
 297-582-1010

F A D A

Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O

Engelandstraat 15 Aruba
 297-583-1016
 297-583-6607

**Fundacion Contra
 Violencia Relacional**
 Tel: 583-5400

Fundacion Autismo Aruba

Irenestraat 21 Aruba
 297-588-1179

Fundacion Pa Nos Muchanan

Cumana 2 Aruba
 297-583-4247

Fundacion Tel Pa Hubentud

Wilhelminastraat 19
 Aruba
 297-588-6138

Koningin Wilhelmina Fonds

Spinozastraat 9 Aruba
 297-582-0412

Mary Joan Foundation

Sabana Blanco 8 Aruba

Rode Kruis Aruba

Pedro Gallegostraat 14
 Tel.297-582-2219
 Fax 588-3376

Famia Planea (SBVO)

Avenida Milio J Croes 17
 B Aruba
 297-588-9591
 www.famiaplanea.org
 famiaplanea@hotmail.
 com

Stichting Fundacion Guia Mi

George Madurostraat 34
 297-582-0088

Y M C A

Calbasstraat 1 Aruba
 297-582-3072

AL-ANON group

Sabana Liber #8, Noord
 (close to the hotels)
 Tel: 736-2952 or
 593-7081



Dokter na warda

Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda

Oranjestad: San Nicolas:
 Sta. Cruz Centro Medico-
 Tel. 585 8028 Tel. 584 5794

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

Aruba Transfer Tour & Taxi C.A.

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850
 Tel: 280-2828
 Whatsapp: 592-7024

Aurora

Royal Pray

Funeral Home & Crematory

“Laga tur locual ta sperami ta bunita, Laga cu tur locual cu mi encontra na caminda ta bunita, Laga tur locual cu ta rondonami ta bunita, Laga tur locual cu mi a laga atras keda bunita, y laga esaki nan termina den tur bunitesa”.

Cu profundo tristeza na nos curason pero agra-
decido pa locual el a significa pa nos, nos ta anun-
cia fayecimento di:



**Sra. Juliana Elizabeth
FIGARO-GEERMAN**
Mihor conoci como “Lies” of “Liesje”
*08 april 1961 – †06 februari 2023

Na number di su:

Mayornan: † Genaro “Shon Hen” Geerman y †
Frida Candelaria “Chida” Geerman-Wolter.

Espos: Benjamin “Jimmy” Figaroa.

Yiu: Shaluzdin Figaroa.

Benjamin “Juni” y Yamelies Figaroa-Petit.

Nieta: Giandra Erasmus y Pablo Thijsen.

Nieto: Giandre Erasmus y Eugeny Doulabi.

Giand-marc Erasmus

Benjamin Figaroa

Benson Figaroa

Tanta I omonan, Swa y cuñanan, prima y primo-
nan, comer I compernan, su bisiñanan, amiga I
amigonan, conocirnan I amistadnan.

Amiga di cas: Aida Matos Gomez y famia, Ivonne
Rosa, Lusmarie, Tanja

Famianan: Figaroa, Geerman, Erasmus, Petit-
Colina, Thijsen, Doulabi, Wolter, Tromp, Croes,
Holsman, Quandt, Oduber, Albertus, Schen-
ker, de Lange, Jaquin, Martinuz, Odor, Loeftok,
Franken, Lake, Agumbero, Schuultens, Fortin,
Ayala, Perez, de Cuba, Rodriguez, Benita, Or-
man, Franklin, Gonzalez, Irausquin, St. Jago, van
Balkom, v/d Linde, Arends, Christiaans, Lampe,
Dirks, Semerel, Trimon, Fingal, Herms, Jacobs,
Lacle, Dijkhoff, Wever, Rasmijn, Werleman, Vro-
lijk, Luidens y demas famia.

I cu gradecimento na staff, personal I voluntario
nan di hospice atardi.

Acto di entierro lo tuma lugar Diaranson 15 febr-
ari 2023 di 2or pa 4or na Misa Santa Ana na Noord
for di 2or e restonan mortal lo ta reposa den Misa
Santa Ana y despues lo hiba nos defunto stima na
su ultimo lugar di sosiego na santana catolico na
Noord.

Adres pa Condolencia: Aurora Funeral Home

Diamars 14 februari 2023, 07:00-09:00 PM

Nos disculpa si den momento di dolor nos por a
lubida algun familiar.

Aurora

Royal Pray

Funeral Home & Crematory

The Lord is my shepherd, I shall not want. In verdant
pastures, He gives me repose; beside restful waters,
He leads me; He refreshes my soul.
Even though I walk through the valley of the shadow
of death, I will fear no evil; for You are at my side with
Your rod and Your staff that give me courage.
Psalm 23

It is with deep sorrow that we announce the passing
away on February 4th, 2023, of our beloved



Ursula Jeanette Ahlip-Lejuez.

Left to mourn are:

Her husband: Winston (Ako) Ahlip
Her children: Timothy Ahlip and Cata-
lina Ahlip
Christopher Ahlip and Alexandra Ahlip

Her grandchildren: Xenia, Vlad, Lazaro,
Tristan, Bella

Her parents: †Bernice K. Lejuez-Nisbet
†John E. Lejuez

Her siblings: †Agnes and †Thomas
Thodé-Richardson
†Rufus and Jane Richardson,
Hyacinth (Tootsie) and †Adolf Leo-Lejuez,
Tony and Yvonne Lejuez-Croes,
Mary Lejuez

Her in-laws: Thelma Ahlip,
Wilma and Walter Tjon Pian Gia-Ahlip, Clifton and
Gloria Ahlip,
Morris Ahlip, Tessy and Selma Ahlip

Nieces and nephews, cousins, godchildren and
friends in Aruba, Curaçao, Sint Maarten, Holland,
France and USA

Employees of Heavenly Water, Sint Maarten
Employees of Ako's Upholstery, Aruba

She was related to the following families: Ahlip,
Lejuez, Thodé, Leo, Richardson, Nisbet, Georgescu,
Ricci, Gibbs, Velazquez, Idigoras, Snijders, Wong,
Cheung, Hazel, Arrindell, York, Meyers, Peterson,
Williams, Huntington

A special mention to her closest confidants: Sandra
Idigoras, Jorge Velazquez, Ava Thodé

If perhaps, in our grief, we forgot to mention any
family and friends, please accept our apology.

The family cordially invites you to join in celebrating
her life on Wednesday, February 15, 2023, at 2:00 pm
to 4:00 pm at the Royal Funeral Home.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta
bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu profundo tristeza nos ta anuncia cu a fayece:



Angel C. Girón
“Shorry”
*02-10-1953 - †12-02-2023

Ta invita pa acto di entierro cual lo tuma lugar na
Aurora Funeral Home Diabierna 17 di februari
2023 di 2'or pa 4'or di atardi y despues lo sali bai
pa Santana Catolico na Noord.

Aurora

Royal Pray

Funeral Home & Crematory

“Señor ta mi wardador, pues mi n' tin falta di
nada.”

Psalm 23:1

“Laga mi musica sigui alegre boso curason.”
Cu inmenso tristeza den nos curason, pero
conforme cu boluntad di Dios, nos ta anuncia
fayecimento cristianamente di:



Sra. Candelaria Riselia Gomez-Tromp

Mihor conoci como “Candita of Cande”
*02-02-1929 - †11-02-2023

Acto di entierro lo wordo anuncia despues

Aurora

Royal Pray

Funeral Home & Crematory

Ma nos patria ta den cielo; fo'i djei nos ta warda nos
Salvador, Señor Hesu-Cristo bini!
Flp. 4:20

Cu profundo tristesa den nos curason, pero agreded-
cido cu Señor



Silvio Antonio Nadall

*11 di januari 1945- †9-2-2023

Na number di

Su mayornan:

†George Ethan Nadall

†Electa Nadall de Castro

Esposa:

Guillermila Nadall-Kock

Yiunan:

Jacqueline Nadall y famia

Geomar Nadall, Farrah y famia

Geraldine Nadall

Nietonan:

Allan Maduro y famia

†Yerlin Mendieta- Nadall

Leiah Nadall "Cocha pechocha"

Rumannan:

†Rafael Nadall y famia

†Estanislao "Laito", Nadall y famia

†Benita Modderman y famia

†Mercedes Peterson y famia

†Mariana Nadall

†Lourdes van der Vet y famia

†Miguel Nadall y famia

Silvia Donk y famia

George Nadall y famia

†Victor "Beatle" Nadall y famia

Jose Nadall y famia

Suegro y suegra:

†Mai y Dionisia Kock-Dijkhoff

Sua- y cuñanan:

Marjorie, Tinchi Vrolijk y famia

†Hubert Kock

Maickel, Lourdes Kock y famia

Swinda, Juan Arcaya y famia

Griselda, †Hubert Vrolijk y famia

†Irvin, Shahaira Kock y famia

Ihanan, sobrino- y sobrinanan, primo- y primanan,
comer- y compernan.

Bon amigonan:

Mucho hopi pa menciona.

Amigonan manera ruman:

Edgard Croes y famia, Erick Rasmijn y famia.

Amigonan di: Garashi Nadall, Caya Grandi Service
Station, Van Leeuwenhoekstraat 8, Coro La Escala y
Djiespie's Place.

Famia: Nadall, Kock, Roos, Maduro, Mendieta,
Fondeur, Modderman, Peterson, van der Vet, Donk,
Velazquez, Vrolijk, Feliciano, Arcaya, Winklaar, De
Haseth, Rasmijn, Clement, Croes, Lopez, Rosa,
Richardson, Kelboom, Famia Muller na Corsou
Dokter di cas: Alvarez-Quezada

Acto di entierro lo tuma luga diahuebs, 16 di februari
2023. Restonan mortal di Silvio lo reposa di 1or pa
4or di atardi na Pro Cathedral San Fransisco (Misa di
Playa). Despues lo hiba nos defunto stima na su ulti-
mo luga di sosiego, na Santana Catolico na Paradera.
Nos ta pidi disculpa si den nos momento di tristesa
nos por a lubida di menciona algun nomber.
Den nos curason te eternidad.

Centro di Barrio Playa Pabao ta informa:

Actividad di disfraz di materialnan recicla ta wordo posponi pa temporada di Semana Santa



**Directiva di Centro di Barrio
Playa Pabao ta informa co-
munidad di Aruba cu nan
festival di disfras recicla, cual
lo a tuma luga e siman aki, lo
wordo posponi pa Semana
Santa. Asina Dennis Burke,
Presidente di Centro di Barrio
Playa Pabao a laga sa.**

Durante temporada di campa-
mento ta importante pa corda
riba e impacto grandi cu nos tin
riba nos medio ambiente.

Pa medio di e evento aki, tur
muchanan entre edad di 4 pa 12
año por participa pa traha sea un
trahe of un arte traha di materi-
alnan uza. Enfoke ta bay ta riba e

materialnan cu por wordo re-uza
den forma di arte creativo.

E evento aki ta pa conscientisa
comunidad di Aruba riba e dife-
rente uzo di materialnan recicla.

Keda pendiente pa mas informa-
cion durante e simannan binide-
ro.

Inscripcion pae estudio pa maestro di Enseñansa Primario di IPA a habri back

*Ata bo ultimo oportunidad pa inscribi pa año academico
2023-2024!*



**Instituto Pedagogico Aruba-
no (IPA) a haya peticion di
varios interesado pa inscribi
aunke cu inscripcion pa año
academico 2023-2024 a cera
caba. Pa e motibo aki IPA
a dicidi di habri su inscrip-
cion atrobe pa e estudio pa
maestro di Enseñansa Pri-
mario p'asina duna e intere-
sacionan aki oportunidad pa
inscribi.**

Inscripcion ta tuma luga online.
Bishita www.ipaaruba.com,
bay na aanmelden y scoge pa

beroepstest Primair Onderwijs
y sigui e instruccion. E ultimo
dia pa inscribi pa e estudio aki ta
17 di februari 2023. Despues di
e fecha aki no por inscribi mas
pa año academico 2023-2024 pa
motibo cu e beroepstest (test-
nan di admision) lo tuma luga
dia 25 di februari y 4 di maart.
Ta consehabel pa inscribi mas
pronto cu ta posibel p'asina bo
tin suficiente tempo pa prepara
y termina e beroepstest cu exito!

Tene na cuenta cu solamente
estudiante den examenklas of

graduado di havo, vwo of mbo
nivel 4 por inscribi pa e estudio
pa maestro di Enseñansa Pri-
mario. Inscripcion pa e 21+Toets
a cera dia 10 di october 2022,
pues no ta posibel mas pa in-
scribi pa 21+ Toets pa año aca-
demico 2023-2024.

Pa keda al tanto di e ultimo de-
saroyonan di IPA bishita nos
website www.ipaaruba.com y
sigui nos riba e pagina di face-
book Instituto Pedagogico Aru-
bano.



(AP) — Prome minister Britanico, Rishi Sunak a bisa dialuna cu gobierno lo haci “loke sea necesario” pa protege e pais, mientras Reino Uni a anuncia un revision di seguridad despues cu a tira abao varios obheto no identifica for di shelo na Nort America.

Contestando tocante e obhetonan, Sunak a bisa cu e no ta bay “comenta den detaye riba

asuntonan di seguridad, pero hende mester ta sigur cu nos tin tur capacidad na su lugar pa tene e pais safe,” incluyendo un forsa di reaccion rapido di fighter jet Typhoon.

Secretario di Defensa, Ben Wallace a bisa cu “Reino Uni y su aliadonan ta bay revisa kico e intrusionnan aereo aki ta nifica pa nos seguridad.” El a bisa cu “e desaroyo aki ta otro señal di con e imagen di menasa global ta cambiando

Reino Uni ta bay revisa seguridad despues cu obhetonan desconoci ta confundi Merca

pa pio.”

Fighter jetnan Mericano a tira abao un obheto riba Lake Huron diadomingo – e di cuatro situacion asina na Merca y Canada e luna aki. Dia 4 di februari, ehercito Mericano a tira abao loke oficialnan a bisa tabata un blaas di spionahe Chines riba e costa di South Carolina despues di track esaki pa varios dia door di Nort America.

Riba diabierna, jetnan F-22 a tira abao un obheto “tamaño di un auto” den espacio aereo Mericano riba e costa di Alaska, y riba diasabra, prome minister Canades, Justin Trudeau a bisa cu el a duna orden pa un avion di guerra Mericano tira abao un obheto no identifica – describi

despues como un blaas – riba e territorio Yukon den nort west di Canada.

E obheto cu a tira abao diadomingo a keda describi como octagonal, cu lasonan colgando, pero no tabatin carga discernible.

E tres obheto tabata hopi mas chikito, di apariencia diferente y a bula na altitudnan mas abao cu loke ta sospecha ta e blaas di spionahe – un di loke oficialnan Mericano a bis ata un flota di blaasnan di vigilancia aereo Chines dirigi na mas di 40 pais durante varios aña.

China ta bisa cu e blaas tabata un aeronave meteorologico civil cu a bula for di su ruta.

Minister di Transporte Britanico, Richard Holden a bisa dialuna cu tabata “posible” cu China a bula blaasnan di spionahe riba Reino Uni. El a bisa cu Reino Uni ta bay deal “robustamente” cu China, cual el a yama un “estado hostile.”

Un oficial senior di ehercito Mericano a bisa diadomingo cu parti di e motibo pa e tiramentonan ripiti ta un “alerta eleva” y scrutinio di shelo mas di cerca despues di a descubri e blaas spion. Oficialnan di Pentagono ta bisa cu e tres obheto cu a tira abao no ta presenta ningun menasa pa seguridad, pero te awo, tiki ta conoci di nan y e oficialnan no a descarta nada – ni sikiera UFO.

Homber Palestino y polis Israeli mata den bataya nobo

(AP) — Un homber Palestino ayera a fayece durante un tiramento den West Bank, segun paramediconan Palestino, mientras un polis Israeli a fayece mientras tabata purba di stop un atake di hincamento Palestino na oost di Jerusalem, segun polis.

E incidentenan tabata e violencia mas recien den un ola di pelea mortal entre Israel y Palestina cu a cuminsa spring ultimo y no ta duna señal di baha velocidad.

Ehercito Israeli a bisa cu a tene accion na West Bank durante anochi, y cu trupanen a haya nan mes den tiramento durante e aresto di dos homber sospecha di

a mata un soldad Israeli na october. Ehercito a bisa cu e dos homber busca a resulta herida den e tiramento na e ciudad nort di Nablus, y a keda aresta.

Minister di Salud Palestino a bisa cu Amir Bustami, 21, a fayece den e accion di ehercito Israeli. No tabata cla si e tabata involucra den e tiramento.

Na oost Jerusalem, mientras tanto, polis a bisa cu un adolescente hoben Palestino a saca un cuchiu y a hinca un oficial paramilitar durante un inspeccion rutinario na un checkpoint militar. Polis a bisa cu un guardia di seguridad a tira cu arma di candela, aparentemente tirando



e oficial. A aresta e hoben, y e oficial despues a fayece pa su heridanan, segun polis a informa.

Tensionnan ta bin escalando pa varios luna mientras Israel a conduci accionnan di aresto den anochi na e West Bank, cual tabata impulsa pa un ola di atakenan Palestino riba ciudadanonan Israeli den spring ultimo. Palestinonan a mata alrededor di 30 persona na Israel na 2022, y al menos otro 11 den atakenan te awo na 2023.

A mata casi 150 Palestino aña pasa na West Bank y oost Jerusalem, haciendo esaki e aña mas mortal na e areanan aki desde 2004, segun cifranan di grupo di derechonan Israeli, B'Tselem. Trupanen Israeli a

mata al menos 46 Palestino desde comienso di e aña aki.

Israel ta bisa cu mayoria di esnan cu a mata tabata militante, pero otronan – incluyendo hobennan protestando e incursionnan y hende cu no tabata involucra den e confrontacionnan – tambe a perde nan bida.

Israel a bisa cu e accionnan militar ta destina pa desmantela rednan militante y evita atakenan futuro, mientras cu e Palestinonan ta mira nan como continuacion di e 55 aña di ocupacion sin fin di Israel.

Israel a captura e West Bank, oost Jerusalem y Gaza Strip den e Guerra di Medio Oriente na 1967, teritorionan cual

e Palestinonan ta reclama pa loke nan tin speransa lo bira nan estado independiente.

Dialuna trempan, ehercito Israeli a bisa cu aeronavenan a bom un sitio di fabricacion di raket y instalacionnan militar den e Gaza Strip goberna pa Hamas, despues cu militantenan Palestino a lansa cuatro raket den sur di Israel durante anochi. No tabatin reportahenan inmediato di casualidadnan.

E frontera Gaza-Israel tabata en gran parti keto den ultimo lunanan, pero tin raket y atake aereo intermitente mientras tensionnan entre Israel y e Palestinonan den West Bank y oost Jerusalem ta aumenta.

